

春秋穀梁傳 附札記

二





春 秋 穀 梁 傳

附 札 記

(二)

范 甯 集 解

王雲五主編

蠡書集成初編

春 秋 穀 梁 傳

附 札 記

二 冊

中華民國二十五年十二月初版

集解者

范

甯

發行人

王

上海河南路

五

印刷所

商

上海河南路

館

發行所

商

上海及各埠

館



叢書集成

初編

王 雲 主編

商務印書館發行

春秋穀梁傳宣公第七

名捷子赤庶兄
匡王五年即位

范甯集解

元年春。王正月。公即位。繼故而言即位。與聞乎故

也。

與門音豫
下注亦同

○公子遂如齊逆女。

不識喪娶者不待貶
絕而罪惡自見相三

年傳曰逆女親者也使大
夫非正也。自見賢偏反。

二月。遂以夫人婦姜至自齊。

其不言氏。喪未畢。故略之也。

夫人不能以禮
自固故與有貶

其曰婦。

緣姑言之之辭也。遂之摯。由上致之也。

上謂宣公。
摯苦結反。

○夏。季孫行父如齊。晉放其大夫胥甲父于衛。

放猶屏也。

屏稱國
除屏稱國

以放。放無罪也。公會齊侯于

平州。

平州齊地離
會故不致

○公子遂如齊。六月。齊人取濟

西田。內不言取。言取授之也。以是為賂齊也。

宣公弑
立賂齊

以自輔取賂之故書齊取

○秋邾子來朝

○朝直遙反

○楚子鄭人侵陳

遂侵宋。遂，繼事也。○晉趙盾帥師救陳。善救陳也。

○盾從本反

○宋公陳侯衛侯曹伯會晉師于棗林伐鄭

○棗林鄭地。○棗芴尾反。又音匪。

列數諸侯而會。晉趙盾大趙盾之事也。

大其衛中國攘夷狄。數所主反攘而羊反。

其曰師何也。

據言會晉師不言會晉趙盾。

以其大之

也。以諸侯大趙盾之事故言師師者眾大之辭。

于棗林地而後伐鄭。疑辭也。此

其地何則著其美也。

秦曰夫救災恤患其道宜速而方六會于棗林然後伐鄭狀似伐鄭有疑頃會乃定

曰非也欲美趙盾之功故詳錄其會地。

○冬晉趙穿帥師侵崇

○穿音川○晉人

宋人伐鄭。伐鄭所以救宋也。

時楚鄭侵宋

二年春王二月壬子宋華元帥師及鄭公子歸生

帥師戰于大棘。宋師敗績。獲宋華元。

大棘宋地。○華戶化反。

獲

者不與之辭也。華元得衆甚賢言盡其衆以救其將

也。先言敗績而後言獲知華元得衆心軍敗而後見獲晉與秦戰于韓未言敗績而君已獲知晉侯不得衆心明矣。盡子忍反。以

三軍敵華元華元雖獲不病矣。何休曰書獲皆生獲也如欲釋之曰將帥見獲師敗可知不當復書師敗績此兩書之者明宋師懼華元見獲皆竭力以救之無奈不勝敵耳華元有賢行得衆如是雖師

敗身獲適明其美不傷賢行今兩書敗獲非變文如何秦師伐晉。夏晉人宋人

衛人陳人侵鄭。秋九月乙丑晉趙盾弑其君夷

臯穿弑也。穿趙盾從父昆弟盾不弑而曰盾弑何也。以罪

盾也。其以罪盾何也。曰靈公朝諸大夫而暴殫之

暴殘暴。朝直置反。彈徒丹反又徒旦反。觀其辟九也。趙盾入諫不聽。出亡

至於郊。禮三諫不聽則去待放於竟三年君賜之環則還賜之玦則往必三年者古疑獄三年而後斷易曰繼用微纒示于叢棘

三歲不得凶是也自嫌有罪當誅故三年不敢去。辟音避竟音境玦古穴反社元凱云如環而不連斷丁亂反微許歸反纒亡北反微纒皆

春秋穀梁傳 卷七 七九

編也三股曰徽兩股曰纆趙穿弒公而後反趙盾招使還史狐書賊

曰趙盾弒公史國史掌書記事狐其名盾曰天乎天乎子無罪告天

言已無弒君之罪孰為盾而忍弒其君者乎迴已易他誰作盾而當忍弒君者乎○孰

為盾絕句孰誰也史狐曰子為正卿入諫不聽出亡不遠君

弒反不討賊則志同志同穿也則書重非子而誰

着是正卿又賢故言重故書之曰晉趙盾弒其君夷臯者過在

下也鄭嗣曰成十八年晉弒其君州蒲傳曰稱國以弒其君君惡甚矣然則無臣以弒罪在臣下也趙盾弒其君不言罪而曰過者

言非着親弒有不討賊之過○惡甚如字又烏路反曰於盾也見忠臣之至於許世

子止見孝子之至卻曰着以亡不出竟反不討賊受弒君之罪忠不至故也止以父病不知嘗藥受弒父之

罪孝不至故也○見忠賢徧反或如字下同○冬十月乙亥天王崩臣王也

三年春王正月郊牛之口傷之口緩辭也傷自牛

作也。牛自傷口非備災之道不至也故以緩辭言之。改卜牛。牛死乃不郊。事之

變也。牛無故自傷其口易牛改卜復死乃廢郊禮此事之變異。復扶又反。乃者。士乎人之辭

也。譏宣公不恭致天變。猶三望。葬匡王。楚子伐陸渾戎渾

力門反又。夏楚人侵鄭。秋赤狄侵齊。宋師圍

曹。冬十月丙戌鄭伯蘭卒。葬鄭穆公。

四年春王正月公及齊侯平莒及郟。莒人不肯。及

者內為志焉。爾平者成也。不肯者可以肯也。凱曰君子不念

舊惡况為大國所和乎。鄭音談國名也。公伐莒。取向。向莒邑。向書亮反。伐猶可。取向

甚矣。以義兵討不平未若不用兵。以義使平者也故曰猶可也。莒人辭不受治也。乘義取邑所以

不伐莒。義兵也。討不釋怨。取向非也。乘義而為利也。為

如字又于偽反。秦伯稻卒。夏六月乙酉鄭公子歸生弑

其君夷。赤狄侵齊。秋。公如齊。公至自齊。冬。楚子伐鄭。

五年。春。公如齊。夏。公至自齊。秋。九月。齊高固

來逆子叔姬。諸侯之嫁子於大夫。主大夫以與之。

婚禮主人設几筵于廟以待迎者。諸侯大夫尊卑不敵。故使大夫為之主。迎魚敬反。來者。接內也。不正

其接內。故不與夫婦之稱也。來者謂高固。高固齊之大夫。而今與君接婚姻之禮。故不

言逆女。稱尺證反。叔孫得臣卒。冬。齊高固及子叔姬來。

及者。及吾子叔姬也。為使來者。不使得歸之意也。

高固受使來聘。而與婦俱歸。故書及。以明非禮。莊二十七年冬。杞伯姬來。僖二十八年秋。杞伯姬來。皆不言所及。是使得歸之意。受使所更

反。楚人伐鄭。

六年。春。晉趙盾衛孫免侵陳。此帥師也。其不言帥

師何也

據元年趙盾帥師救陳言帥師也

不正其敗前事故不與帥師

也

元年救而今更侵之

夏四月

秋八月

螽音終

冬十月

七年春衛侯使孫良夫來盟來盟者前定也不言

及者以國與之不言其人亦以國與之不日前定

之盟不日夏公會齊侯伐萊

萊音來國名

秋公至自

伐萊大旱冬公會晉侯宋公衛侯鄭伯曹伯

于黑壤

黑壤其地壤人丈反

八年春公至自會夏六月公子遂如齊至黃乃

復

蓋有疾而還黃齊地

乃者亡乎人之辭也

鄭嗣曰大夫受命而出雖死以尸將事今遂以

疾而還失禮違命故曰亡乎人言魯使不得其人也

復者事畢也不專公命也

遂以疾反而加

事畢之文者是

不使遂專命還辛巳有事于大廟

大音泰下注同

仲遂卒于

垂

祭于大廟之日而
知仲遂卒垂齊地

為若反命而後卒也

先書復後言卒
使若遂已反命

于君而後
卒于垂

此公子也其曰仲何也疏之也

傳十六年傳曰
大夫不言公子

公孫疏
之也

何為疏之也是不卒者也

遂與宣公
共弑子赤

不疏則無

用見其不卒也

若書公子則與正卒者同故去公子以見之
見其賢偏反注同故去起呂反下文及注同

則其卒之何也

據公子翬不書卒
子翬許韋反

以譏乎宣也其譏

乎宣何也聞大夫之喪則去樂卒事

去籥萬卒祭
事言今不然

壬

午猶繹猶者可以已之辭也繹者祭之旦日之享

賓也萬入去籥

萬舞名籥管也
又祭也享許文反籥餘若反管也

以其為

之變譏之也

內舞去籥惡其聲聞此為卿變於常禮是知其不可
而為之為之于為反注為卿變同惡其為路反

○戊子夫人熊氏薨

宣公妾母
左氏作嬴氏

○晉師白狄伐秦

○楚人滅舒鄧

舒鄧音了本
又作夢國名也

○秋七月甲子日有

食之既。冬十月己丑葬我小君頃熊。大夫姜氏大歸于齊故

宣公立已妾母為夫人君以夫人禮卒葬之故主書者不雨不克

葬。葬既。有日。不為雨止禮也。雨不克葬。喪不以制

也。徐鍇曰案經文是已丑之日葬既出而遇雨若未及已丑而却期無為逆書此曰葬禮喪事有進無退又士喪禮有潦車載筭笠則入

君之張設固兼備矣禮先遷柩於廟其明昧爽而引既及葬日之晨則

祖行遣奠之禮設矣故雖兩猶終事不敢停柩久次。不為于為反潦

音老藁素禾反笠音立張如字又陔亮反柩其又反庚寅日中而

克葬。而綏辭也。足乎日之辭也。城平陽。楚師

伐陳。九年春王正月公如齊。有母之喪而行朝會非禮。朝直遙反。公至自齊。

夏仲孫蔑如京師。齊侯伐萊。秋取根牟。

八月滕子卒。九月晉侯宋公衛侯鄭伯曹伯會

于扈。○晉荀林父帥師伐陳。○辛酉。晉侯黑殿身卒。

于扈。其地於外也。其日未踰竟也。外謂國都之外。諸侯卒於路寢則不地。傳

例曰諸侯正卒則日不正則不日。舊說踰竟亦不日。然則諸侯不正而與未踰竟無以別之矣。案襄七年鄭伯卒于操。此年晉侯卒于扈。文正

與襄二十六年許男卒於楚。同恐後人謂操扈是國故於疑似之際。每為發傳日未踰竟也。擊徒門反音音境以別彼列反操七報反。

冬十月癸酉。衛侯鄭卒。○宋人圍滕。○楚子伐鄭。

○晉卻缺帥師救鄭。卻去逆反。缺傾雪反。○陳殺其大夫泄冶。

○泄息列反。治音也。稱國以殺其大夫。殺無罪也。泄冶之無罪

如何。陳靈公通于夏徵舒之家。公孫盩儀行父亦

通于其家。二人陳大夫。夏戶雅反。或衣其衣。或衷其襦。衷者襦在衣

其衣上於既反。下如字。襦而朱反。在東本又作裏音里。以相戲於朝。朝直。遙反。泄冶聞

之入諫。曰使國人聞之則猶可使。仁人聞之則不

可君愧於泄洩。不能用其言而殺之。

十年春。公如齊。公至自齊。齊人歸我濟西田。公娶

齊。齊由以為兄弟反之。齊由以婚族故。還魯田。爾雅釋親曰。婦之黨為婚兄弟。娶七住反。不

言來。公如齊受之也。夏四月丙辰。日有食之。

己巳。齊侯元卒。傳例曰。言日不言朔食晦日則此丙辰晦之日也。己巳在晦日之下。五月之上推尋義例。當是

閏月矣。文六年傳曰。閏月者附月之餘。日言閏承前月而受其餘。日故書閏月之日。繫前月之下。蓋史策常法。文有定例。閏有常體。無嫌不明。

故不復每月發傳。哀五年公羊傳曰。閏月不書。此何以書。推此言之。則春秋固有在閏月而不冠以閏者矣。至於閏不告月。猶朝于朝。閏月葬。

齊景公不正其閏。無以言其事。故書見變禮。不復扶。又反下注。復同不冠工亂反。猶朝直遙反。見變賢徧反。齊崔氏

出奔衛。氏者舉族而出之之辭也。何休曰。氏者譏世卿也。即稱氏為舉族而

出。尹氏卒。寧可復以為舉族死乎。鄭君釋之曰。云舉族死。是何妖問甚乎。舉族而出之之辭者。固譏世卿也。崔杼以世卿專權。齊人惡其族。今

出奔。既不欲其身反。又不欲國立其宗。後故孔子順而書之曰。崔氏出奔衛。若其舉族盡去之爾。崔杼直呂反。惡其烏路反。公

如齊。五月。公至自齊。癸巳。陳夏徵舒弑其君平

國。六月。宋師伐滕。月者蓋為下齊惠公。葬速起。為于為反。公孫歸父

如齊。葬齊惠公。晉人。宋人。衛人。曹人。伐鄭。秋。

天王使王季子來聘。其曰王季。王子也。其曰子尊

之也。子者人之貴稱。稱尺證反。聘。問也。公孫歸父帥師伐邾。

取繹。音亦。大水。季孫行父如齊。冬。公孫歸父如

齊。齊侯使國佐來聘。饑。饑本或作飢。居疑反。楚子伐鄭

十有一年。春。王正月。夏。楚子。陳侯。鄭伯盟于夷

陵。夷陵齊地。左氏作夷陵。公孫歸父會齊人伐莒。秋。晉侯

會狄于欒函。欒函狄地。音咸。不言及外狄也。所以異之於諸夏。夏戶雅反。

冬。十月。楚人殺陳夏徵舒。變楚子言人者。殺君之賊。若此。日人人所得殺也。其月謹之。此

入而殺也。其不言入何也。據入國乃得殺外徵舒於陳也。其

外徵舒於陳何也。據徵舒陳大夫不應外明楚之討有罪也。雍曰經若

書曰楚子入陳殺夏徵舒者則入者內不受是無以表徵舒之情逆楚子之得正。悼補對反丁亥楚子入陳入

者。內弗受也。日入。惡入者也。何用弗受也。不使夷

狄為中國也。楚子入陳納淫亂之人執國威柄制其君臣偵倒上下錯亂邪正是以夷狄為中國。惡烏路反偵丁田

反本又作顛邪似嗟反納公孫寧儀行父于陳。納者內弗受也。

輔人之不能民而討猶可。雍曰輔相鄰國有不能治民者而討其罪人則可而曰猶可者

明鄰國之君無輔相之道入人之國。制人之上下。使不得

其君臣之道不可。二入與君昏淫當絕而楚強納之是制人之上下。強其丈反一音其良反

十有二年春葬陳靈公。傳例曰失德不葬君弑賊不討不葬以罪下也日卒時葬正也靈公淫夏

姐殺淫治臣子不能討賊踰三年然後葬而日卒時葬何邪泰曰楚已討之矣臣子雖欲討之無所討也故君子即而怨之以申臣子之恩稱國以

殺大夫則靈公之惡不嫌不明書葬以表討賊不言靈公無罪也踰三年而後葬則國亂居可知矣非日月小有前却則書時不嫌。弒音試夏分

雅反。○楚子圍鄭。○夏六月乙卯。晉荀林父帥師及楚子

戰于邲。邲鄭地。邲皮必反。晉師敗績。績功也。功事也。日其事敗

也。○秋七月。○冬十有二月。戊寅。楚子滅蕭。○晉人宋人

衛人曹人同盟于清上。清上衛地。○宋師伐陳。○衛人救陳

十有二年。春。齊師伐莒。○夏。楚子伐宋。○秋。螽。○冬。

晉殺其大夫先穀。穀戶木反。一本作穀。

十有四年春。衛殺其大夫孔達。○夏五月壬申。曹伯

壽卒。○晉侯伐鄭。○秋九月。楚子圍宋。○葬曹文公

○冬。公孫歸父會齊侯于穀。

十有五年春。公孫歸父會楚子于宋。○夏五月。宋人

及楚人平。平者成也。善其量力而反義也。

各自知力不能相制反其

和之人者衆辭也。平稱衆。上下欲之也。外平不道。以

吾人之存焉。道之也。

吾人謂大夫歸父。

○六月癸卯。晉師滅赤

狄潞氏。以潞子嬰兒歸。滅國有二術。

術猶道也。潞氏音路。嬰兒一盈反。

中國謹日。卑國月。夷狄不日。

甲國謂附庸之屬。襄六年傳曰。中國日。卑國月。夷狄時此

謂三術。其曰潞子嬰兒。賢也。秦人伐晉。○王札子殺

召伯。毛伯。王札子者。當上之辭也。殺召伯。毛伯。不言

其何也。

解經不言殺其大夫。杜側八反。召上照反。

兩下相殺也。兩下相殺。不志

乎春秋。此其志何也。矯王命以殺之。非忿怒相殺也。

故曰。以王命殺也。

以王命殺。謂言王札子殺召伯。毛伯。是知以王命而殺之。矯居表反。

以王命殺

則何志焉。為天下主者天也。繼天者君也。君之所存

者命也。為人臣而侵其君之命而用之，是不臣也。為

人君而失其命，是不君也。君不君，臣不臣，此天下所

以傾也。秋。冬。螽。仲孫蔑會齊高固于無婁。無婁，杞邑。婁，力侯。

反。初稅畝。初者始也。古者什一。一夫一婦，佃田百畝，以共五口。父母妻子也。又受田十畝，以為

公田。公田在內，私田在外。此一夫一婦為耕百一十畝。稅始，銳反。賦也。什一音十。稅一也。佃音田。又徒徧反。共音恭。藉而不

稅。藉，此公田而收。其入言不稅民。初稅畝，非正也。古者三百步為里，名曰

井田。井田者，九百畝。公田居一。出除公田八十畝，餘八百二十畝。故井田之法，八家共一井，八百畝。

餘二千畝，家各二畝半。為廬，廬舍。廬，力魚反。私田稼不善，則非吏。非責也。吏，田峻也。言吏急民使，不得營私。

田。峻音俊。公田稼不善，則非民。民勤私也。初稅畝者，非公之去

公田而履畝，十取一也。以公之與民，為已悉矣。悉，謂盡其力。去，如

字又起。古者，公田為居。八家共居。井竈葱韭，盡取焉。損其廬舍，家作一園。

呂反。

以種五菜外種椒桑以備養。冬。螽生。螽非災也。其曰螽

非稅畝之災也。九春秋記災未有言生者。螽之言緣也。緣宣公稅畝故生此災以責之非責也。螽以全反。劉

歆云此此蟬子董仲舒云蝗子字林尹綰反。饑。

十有六年春。王正月。晉人滅赤狄甲氏及留吁。

留吁赤狄別種晉既滅潞氏今又并盡其餘邑也。滅夷狄時賢嬰兒故滅其餘邑猶月。吁許于反。種章勇反。必政反。夏。成

周宣榭災。成周東周今之洛陽宣榭宣王之榭爾雅曰室有東西廂曰朝無東西廂有室曰寢無室曰榭傳例曰國曰災

邑曰火。榭音謝本或作謝災左氏作火。周災不志也。其曰宣榭何也。以樂

器之所藏目之也。移風易俗莫善於樂是故責其器。秋。郊伯姬來歸

為太家所遣。冬。大有年。五穀大熟為大有年。

十有七年春。王正月。庚子。許男錫我卒。錫星歷反。丁

未。蔡侯申卒。夏。葬許昭公。葬蔡文公。六

月癸卯日有食之。己未公會晉侯衛侯曹伯邾

子同盟于斷道。

己未亦閏月之日斷道晉地。斷徒短反。一音短。

同者有同也。

同外楚也。秋公至自會。冬十有一月壬午公

弟叔肝卒。其曰公弟叔肝賢之也。其賢之何也。宣

弑而非之也。

宣公殺子赤叔肝非真之。册許乙反。

非之則胡為不去也。

曰兄弟也。何去而之。

言無所至。

與之財則曰我足矣。

宣公

與之財物則言自足以距之。

織屨而食。

織屨賣以易食。屨九具反。

終身不食宣公

之食。君子以是為通恩也。以取貴乎春秋。

泰曰宣公弑逆故其

祿不可受兄弟無絕道故雖非而不去論情可以明親親言義足以厲不軌書曰公弟不亦宜乎。

十有八年春晉侯衛世子臧伐齊。

臧子即友。

公伐杞。

夏四月。秋七月邾人戕繒子于繒戕猶殘也。

撓殺也

撓謂捶打殘賊而殺也于縉惡其臣子不能距離○戮在良反殘也賊也猶殺也縉本或作郢在陵反撓殺他活反又徒

活反捶打也字林云木杖或作撲晉木反

甲戌楚子呂卒商

子莊王○子

呂左氏作旅

夷狄不卒。卒少進也。卒而不日。日少進

也。日而不言正不正。簡之也。

中國君日卒正也不日不正也今進夷狄直舉其日而不

論正之。公孫歸父如晉。冬十月壬戌公薨于路寢。

路寢正寢也。歸父還自晉。還者事未畢也。

莊八年秋

師還

自晉事畢也。與人之子守其父之殯。

人之子謂歸父子也

言成公與歸父子共守宣公殯

捐殯而奔其父之使者。是亦奔父也。

捐棄也奔猶逐也言成公棄父之殯逐父之使使謂歸父也父命未反而已逐之是與親奔父無異○捐以全反

至榿遂

奔齊遂繼事也。

杜預曰榿音竟外故不言出○榿尹貞反左氏作莖竟音境

春秋穀梁卷第七

經傳貳阡伍伯單五字

注貳阡壹伯陸拾伍字

音義柒伯貳拾貳字

仁仲比較訖

春秋穀梁傳成公第八

名黑肱定王十七年即位

范甯集解

元年春。王正月。公即位。二月。辛酉。葬我君宣公。

○無冰。終時無冰。則志此未終時而言無冰何也。

言終寒時無冰當志之耳。今方建丑之月是寒時未終。終無冰矣。加之寒之辭也。

周禮禮九夫為井。四井為邑。四邑為。夏之戶雅反。復扶又反。○三月。

作亡甲。周禮禮九夫為井。四井為邑。四邑為。夏之戶雅反。復扶又反。○三月。

使一亡之民皆作甲亡甲。國之事也。亡作甲。非正也。亡作甲之

為非正何也。古者立國家。百官具。農工皆有職。以

事上。古者有四民。有士民。與字習道有商民。通四方之貨者有

農民。播殖耕稼者有工民。巧心勞手以成器物者夫甲。非人人之所能

為也。各有業也。夫音符。亡作甲。非正也。夏臧孫許及晉侯

盟于赤棘。赤棘晉地。秋。王師敗績于貿戎。貿戎地。貿音茂。左氏作

戎。不言戰。莫之敢敵也。為尊者諱敵。不諱敗。諱敵使莫二也。

不諱敗。空有過否。為于為反。為親者諱敗。不諱敵。諱敵借其毀折也不諱敵。諸侯有列國。

尊尊親親之義也。尊則無敵。親則保全。尊謂王親。謂魯。然則孰敗之。晉

也。孰敗必萬。反。又如字。冬十月。季孫行父禿。晉卻克眇。衛孫

良夫跛。曹公子手僂。同時而聘於齊。齊使禿者御

禿者。使眇者御眇者。使跛者御跛者。使僂者御僂

者。御音迓。迓迎也。禿他木反。眇亡小反。跛波可反。僂於矩反。一音力主反。蕭蕭同。姪子處臺上

而笑之。蕭國也。同姓也。姪子字也。其母更嫁。亟惠公生頃公。宣十二年。楚人滅蕭。故隨其母在齊。姪子大節反。又文乙反。頃公

音傾。聞於客。客不說而去。相與立胥間而語。移日不

解反音閭門名。說音悅音閭甲徐反。下力居反。解古買反。又音蟹。齊人有知之者曰齊之

患必自此始矣穀梁子作傳皆釋經以言義夫有無其文而橫發傳者第疑經冬十月下云季孫行父如齊脫

此六字。橫華孟反。又如字脫。此徒活反。又他活反。

二年春齊侯伐我北鄙。夏四月丙戌衛孫良夫

帥師及齊師戰于新築。衛師敗績新築衛地。築音竹。六月

癸酉季孫行父臧孫許叔孫僑如公孫嬰齊帥師

會晉卻克衛孫良夫曹公子手及齊侯戰于鞏齊

師敗績鞏齊地。僑本又作喬其僑反。公子手左氏作首鞏音安。其日或曰日其戰

也。或曰日其悉也悉謂魯四大夫時悉在戰也。明二者皆宜當日。曹無大夫其

曰公子何也。以吾之四大夫在焉。舉其貴者也。不欲

令內衆大夫與外甲者。共行戰。令力呈反。秋七月齊侯使國佐如師己酉

及國佐盟于爰婁。鞏去國五百里。爰婁去國五十

里。國齊也。壹戰繇地五百里。焚雍門之茨。雍門齊城門也。茨蓋也。雍

於用反之。侵車東至海。侵車侵伐之車言時侵齊過乃至海。君子聞之曰。夫

甚甚之辭焉。鄭嗣曰君子聞戰于鞏乃盟于爰婁焚雍門之齊

有以取之也。齊之有以取之何也。敗衛師于新築。

侵我北鄙。敖郤獻子。謂笑其跛。謂笑其跛布可反案杜預注左傳云郤克跛此傳言郤克眇范注

當依傳而作跛也非。齊有以取之也。爰婁在師之外。言師已逼其國郤克

曰。反魯衛之侵地以紀侯之甌來。甌玉甌齊滅紀故得其寶。甌魚鼈反又

音言又音步玉甌也。以蕭同姪子之母為質。齊侯與姪子同母異父昆弟不欲斥言叔侯之母故

言蕭同姪子之母也兼忿姪子笑。為質音致下同。使耕者皆東其畝。欲以利其戎車於驅侵易。侵

易以政反。然後與子盟國佐曰。反魯衛之侵地以紀

侯之虧來則諾以蕭同姪子之母為質則是齊侯

之母也齊侯之母猶晉君之母也晉君之母猶齊

侯之母也言尊同也使耕者盡東其畝則是終土齊也

凱曰利其戎車侵伐易則是以齊為土不可不可謂若請壹戰壹戰不克請

再再不克請三三不克請四四不克請五五不克

舉國而授於是而與之盟八月壬午宋公鮑卒

○庚寅衛侯速卒取汶陽田汶音問冬楚師鄭師

侵衛十有一月公會楚公子嬰齊于蜀蜀某地楚

無大夫其曰公子何也嬰齊亢也泰曰莊二十一年丙申及齊高偃盟文二

年乙巳及晉欽父盟傳曰不言公高偃處父亢也此傳會嬰齊書公以明亢何乎蓋言高偃處父亢禮敵公書公則內取也嬰齊初雖驕慢終自降

替故于會則書公以顯嬰齊之驕亢于盟則稱人以表嬰齊之服罪然則向之驕正足以表其無禮不足以病公則書公可也○向之本又作

鄭亦作向同許。丙申。公及楚人。秦人。宋人。陳人。衛人。

鄭人。齊人。曹人。邾人。薛人。繒人。盟于蜀。楚其稱人。

何也。怪楚向稱公子今稱人齊在鄭下蓋時王所黜於是而後公得其所也。會

與盟同月。則地會不地盟。不同月。則地會地盟。此

其地會地盟何也。以公得其所申其事也。公得其所謂楚稱人

申其事謂地會地盟。會與盟同月。絕句不同月。絕句則地會地盟絕句。今之屈向之驕也。

三年春。王正月。公會晉侯。宋公。衛侯。曹伯。伐鄭。宋衛

未葬而自同於正君。故書公侯以譏之。辛亥葬衛穆公。二月。公至自

伐鄭。甲子。新宮災。三日哭。新宮者。禰宮也。謂宣公朝也。三

年變畢。宣公神主新入廟。故謂之新宮。禰乃禮反。三日哭。哀也。其哀禮也。宮廟親之神靈所馮

居而遇災。故以哀哭為禮。馮居皮冰反。迫近不敢稱益。恭也。迫近言親禰也。相

其辭恭且哀。以成公爲無譏矣。乙亥葬宋文公。

○夏公如晉。鄭公子去疾帥師伐許。呂反。夫起。公

至自晉。秋。叔孫僑如帥師圍棘。大雩。晉郤克

衛孫良夫伐牆咎如。咎音羔。冬。十有一月。晉侯使荀

庚來聘。衛侯使孫良夫來聘。丙午。及荀庚盟。

○丁未。及孫良夫盟。其日。公也。來聘而求盟。不言

及者。以國與之也。不言其人。亦以國與之也。徐說曰。不言及

謂九書來盟者也。若宣七年。衛孫良夫來盟是也。以國與之。謂舉國爲主。故直書外來。爾此先聘而後盟。故不言來盟。摠言及而不復著其人。

亦是舉國之辭。復扶又反。不言求。兩欲之也。鄭伐許。鄭從楚而伐衛之喪。又叛

諸侯之盟。故狄之。

四年。春。宋公使華元來聘。三月。壬申。鄭伯娶季

○杞伯來朝。朝直。夏四月甲寅，臧孫許卒。公

如晉，葬鄭襄公。秋，公至自晉。冬，城鄆。音運

○鄭伯伐許。喪未踰年自同於正君亦譏之

五年春，王正月，杞叔姬來歸，婦人之義嫁曰歸。反

曰來歸。仲孫蔑如宋。夏，叔孫僑如會晉荀首

于穀。穀齊地。梁山崩。梁山晉之望也不言晉者名山大澤不

君權壤。不日，何也。據信十四年秋八月辛卯沁鹿崩書日。高者有出崩道也。有

崩道，則何以書也。曰梁山崩壅遏河，三日不流。晉

君召伯尊而問焉。伯尊來，遇輦者，輦者不辟，使車

右下而鞭之。凡車將在左御在中有力之人在右所以備非常。壅於勇反過於葛反伯尊左氏作伯宗辟音避將子

反輦者曰：所以鞭我者，其取道遠矣。所用鞭我之間行道則可遠

伯尊下車而問焉。以其言有理。知非凡人。曰：子有聞乎？對曰：梁

山崩壅遏河三日不流。伯尊曰：君為此召我也。為

之奈何？輦者曰：天有山，天崩之；天有河，天壅之。雖

召伯尊如之何。伯尊由忠問焉。用忠誠之心問之。為此于偽反。輦者

曰：君親素縞，帥羣臣而哭之。既而祠焉，斯流矣。素衣素

縞冠凶服也。所以凶服者山川國之鎮也。山崩川塞示哀窮。縞，古老反。伯尊至，君問之曰：梁山

崩，壅遏河三日不流，為之奈何？伯尊曰：君親素縞，

帥羣臣而哭之。既而祠焉，斯流矣。孔子聞之曰：伯

尊其無績乎？攘善也。績，功也。攘，盜也。取輦者之言而行之，非己之功也。績，或作績，謂無繼嗣。攘，如

羊反。秋，大水。冬，十有一月，己酉，天王崩。定王。十

有二月，己丑，公會晉侯、齊侯、宋公、衛侯、鄭伯、曹伯

邾子。杞伯。同盟于蟲牢。

蟲牢鄭地。蟲直也。反牢力刀反。

六年春。王正月。公至自會。二月辛巳。立武宮。

舊說曰武

公之宮廟毀已久矣。故傳曰不宜立也。禮記明堂位曰魯公之廟。立者。文世室也。武公之廟。武世室也。言世室則不毀也。則義與此違。

不宜立也。

取鄆。鄆國也。

鄆音專。又市轉反。國名。

衛孫良夫帥

師侵宋。夏六月。邾子來朝。

朝直。邾反。

公孫嬰齊如晉

。壬申。鄭伯費卒。

音秘。費。

秋。仲孫蔑。叔孫僑如帥師

侵宋。楚公子嬰齊帥師伐鄭。冬。季孫行父如

晉。晉欒書帥師救鄭。

七年春。王正月。鼯鼠食郊牛角。

不言免牛者。以方改卜。郊吉否未可知。鼯音案。吉

不方。九反。不言日。急辭也。

辭中促急。不容日。

過有司也。郊牛日展

斛角而知傷。展道盡矣。其所以備災之道不盡也。

有司展察牛而即知傷是展察之道盡不能防災禦患致使牛傷故不書日以顯有司之過解球球然角貌。解角其膠反一音求角貌或本

竹筋非禦魚呂反球音求改卜牛鼯鼠又食其角又有繼之辭也

前已食故曰繼其緩辭也曰亡乎人矣非人之所能也所以

以免有司之過也至此復食乃知國無賢君天災之爾非有司之過也故言其以蔽之能如字亦作耐復

食扶又反下同乃免牛乃者亡乎人之辭也免牲者為之緇

衣纁裳有司玄端奉送至于南郊免牛亦然免牲

不曰不郊免牛亦然郊者用牲全言免牲則不郊顯矣若言免牛亦不郊而經復言不郊者蓋為三望起

爾言時既不郊而猶三望明失禮○吳伐郟音談○夏五月曹

伯來朝○不郊猶三望○秋楚公子嬰齊帥師伐

鄭○公會晉侯齊侯宋公衛侯曹伯莒子邾子杞

伯救鄭八月戊辰同盟于馬陵馬陵衛地公至自會○

吳入州來。州來楚地。冬。大雩。雩不月而時。非之也。冬

無為雩也。衛孫林父出奔晉。

八年春。晉侯使韓穿來言汶陽之田歸之于齊。晉

盟主齊。還事晉。故使曾。還二年齊所反之田。穿音川。于齊。緩辭也。不使盡我也。若曰

請歸不使晉制命于我。為于偽反。晉欒書帥師侵蔡。公孫嬰齊如

莒。宋公使華元來聘。夏。宋公使公孫壽來納

幣。婚禮不稱主人。宋公無主婚者自命之故。稱使納幣不書書者賢伯如故盡其事。晉殺其大夫趙

同。趙括。秋。七月。天子使召伯來錫公命。禮有受

命。無來錫命。錫命。非正也。曰。天子何也。曰。見一稱

也。天王天子王者之通稱。自此以上未有言天子者。今言天子是更見一稱。召上照反。曰見賢偏反。注更見同一稱。尺證反。以上時掌友

。冬。十月。癸卯。杞叔姬卒。杜預曰。前五年來歸者女既適人。雖見出棄猶以成人之禮書。

之終為祀伯所葬故稱祀叔如。晉侯使士燮來聘。燮素。協反。叔孫僑如。

會晉士燮。齊人邾人伐鄭。衛人來媵。杜預曰古者諸侯娶嫡夫人及

左右媵各有姪娣比皆同姓之國國三入凡九女所以廣繼嗣魯將嫁伯媵于宋故衛來媵。媵以證反又繩證反嫡丁歷反姪大結反娣音弟

媵。淺事也。不志。此其志何也。以伯姬之不得其所。

故盡其事也。不得其所謂災死也。江灑曰共公之葬由伯姬則共公是失德者也。傷伯姬賢而嫁不得其所。共音恭下同。

九年春王正月。祀伯來逆叔姬之喪。以歸。傳曰。夫

無逆出妻之喪而為之也。公會晉侯齊侯宋公。

衛侯鄭伯曹伯莒子。祀伯同盟于蒲。蒲衛地。公至

自會。二月。伯姬歸于宋。逆者非卿。故不書。夏季孫行父

如宋致女。致勑戒之。言於女。致者不致者也。婦人在家制於

父。既嫁制於夫。如宋致女。是以我盡之也。刺已嫁而猶以父制。

蓋之。刺七賜反。不正。故不與內稱也。內稱謂稱使。內稱尺證反。又如字注同。逆者

微。故致女。詳其事。賢伯姬也。晉人來媵。媵淺事

也不志。此其志何也。以伯姬之不得其所。故盡其

事也。秋七月丙子。齊侯無野卒。晉人執鄭伯

○晉欒書帥師伐鄭。不言戰以鄭伯也。欒書以鄭伯伐鄭君臣無戰道

為尊者諱恥也。不使臣職君王師敗績于貨戎是也。為尊者為反下及此傳注同。為賢者諱過

為齊桓諱滅項是也。滅項乎講反。為親者諱疾。雍曰欒書以鄭伯伐鄭不言戰是也。鄭兄弟之國故謂之親君

臣交兵柄莫大焉故為之諱。○冬十有一月。葬齊頃公。頃音傾。楚公子

嬰齊帥師伐莒。庚申。莒潰。其日莒雖夷狄猶中國

也。莒雖有夷狄之行猶是中國。潰戶內反。行下孟反。大夫潰莒而之楚。是以知其

上為事也。臣以叛君為事。明君臣無道。惡之。故謹而日之也。潰例月甚之故

日○惡○鳥路反。楚人入鄆。秦人白狄伐晉。鄭人圍許。

○城中城。城中城者，非外民也。譏公不務德政，恃城以自固，不復能衛其人民。

十年春，衛侯之弟黑背帥師侵鄭。夏四月，五卜

郊不從，乃不郊。夏四月，不時也。郊時極於三月。五卜強也。乃

者，亡乎人之辭也。強其丈反。五月，公會晉侯、齊侯、宋

公、衛侯、曹伯伐鄭。齊人來媵。媵，伯姬也，異姓來媵，非禮。丙午，晉

侯孺卒。孺，乃侯反。○秋七月，公如晉。○冬十月

十有一年春，王三月，公至自晉。晉侯使卻擘來

聘。己丑，及卻擘盟。卻擘，又由反。公羊作卻州。○夏季，孫行父如晉。

○秋，叔孫僑如如齊。○冬十月

十有二年春，周公出奔晉。周有入無出。鄭嗣曰：王者無外，故無出。

也宗廟宮室有定所或即位失其常處反常書入內其日出上下

一見之也鄭嗣曰上謂僖二十四年天王出居于鄭下謂今周公出奔上下皆一見之見賢徧反言其上

下之道無以存也上雖失之下孰敢有之今上下

皆失之矣上雖有不君之失臣下莫敢效不臣之過今復云周公之出則上下皆有失矣君而不君臣而不臣是無以存

于世言周之所以衰復云扶又反夏公會晉侯衛侯于瑣澤瑣澤其地瑣素果

反○秋晉人敗狄于交剛交剛其地中國與夷狄不言

戰皆曰敗之不使夷狄敵中國夷狄不日○冬十月

十有二年春晉侯使卻錡來乞師錡魚乞重辭

也古之人重師故以乞言之也○三月公如京師

公如京師不月月非如也時實會晉伐秦過京師也公行出竟有危則月朝聘京師理無危懼

故不月過京師音戈下同非如而曰如不叛京師也因

音音境朝聘直遙反下皆同

過朝故正其文。○夏五月。公自京師。遂會晉侯。齊侯。宋

公。衛侯。鄭伯。曹伯。邾人。滕人。伐秦。言受命不敢叛

周也。使若既朝王而王命已。使伐秦叛周謂專征伐。曹伯廬卒于師。廬力吳反。傳

曰。閔之也。公大夫在師曰。師在會曰。會。○秋七月。

公至自伐秦。○冬葬曹宣公。葬時正也。

十有四年。春。王正月。莒子朱卒。徐銳曰。傳稱莒雖夷狄猶中國也。言莒本中國未世

衰弱遂行夷禮葬皆稱謚而莒君無謚以公配而吳楚稱王所以終春秋亦不得書葬。○夏。衛孫林父自

晉歸于衛。○秋。叔孫僑如如齊逆女。泰曰。親迎例時大

之下云九月僑如以夫人婦姜氏至自齊一事不二義故此可以不用也。宣元年公子遂如齊逆女亦以時逆而月致義與此同。親迎魚敬

反傳同本。○鄭公子喜帥師伐許。○九月。僑如以夫人

婦姜氏至自齊。大夫不以夫人。以夫人。非正也。刺

不親迎也。僑如之挈，由上致之也。刺不七賜反。挈，甚焉反。冬十

月庚寅，衛侯臧卒。臧，子郎反。秦伯卒。

十有五年春，王二月葬衛定公。三月乙巳，仲嬰

齊卒。此公孫也。其曰仲何也？此蓋仲遂之子，據實公孫。子由父疏

之也。雍曰：父有弑君之罪，故不得言公子。父不言公子，則子不得稱公孫。是見疏之罪由父故。癸丑，公會

晉侯、衛侯、鄭伯、曹伯、宋世子成、齊國佐、邾人、同盟

于戚。晉侯執曹伯，歸于京師。以晉侯而斥執曹伯

惡晉侯也。僖二十八年，晉人執衛侯歸之于京師。此伯討之文也。今以侯執伯明執之，不以其罪。惡晉焉。路反。不

言之急辭也。斷在晉侯也。明晉之私。斷在丁亂反。公至自會。

夏六月，宋公固卒。楚子伐鄭。秋八月，庚辰，葬

宋共公。月卒日葬，非葬者也。宋共公正立卒，當書日葬。無甚危則當錄月。今反常違例。

故知不葬者也。然則共公之不宜書葬昏亂故。共音恭。此其言葬何也。以其葬共姬。

不可不葬共公也。葬共姬。則其不可不葬共公何

也。夫人之義不踰君也。為賢者宗也。賢宗伯姬故書其公葬。為于偽反。

○宋華元出奔晉。宋華元自晉歸于宋。宋殺其

大夫山。宋魚石出奔楚。冬十有一月。叔孫僑

如會晉士燮。齊高無咎。宋華元。衛孫林父。鄭公子

魋。邾人。會吳于鍾離。會又會外之也。再書會殊外夷。無咎其九反。錯

音秋。許遷于葉。遷者猶得其國家以往者也。其地許

復見也。葉始涉反。復扶又反。見也。賢徧反。

十有六年。春。王正月。雨。木冰。穀梁傳曰。雨木冰者。木介甲。曹兵之象。雨如字。或于付。

反非也。介音界。曹直又反。雨而木冰也。雨者木成冰。著直略反。志異也。傳曰。振

枝折。夏四月。辛未。滕子卒。鄭公孫喜帥師侵

宋。六月。丙寅朔。日有食之。晉侯使欒黶來乞師

將與鄭楚戰。○黶於斬反。○甲午晦。晉侯及楚子鄭伯戰于鄢陵。

鄭地。○鄢音。○又於建反。楚子鄭師敗績。日事遇晦。曰晦。四體偏

斷。曰敗。此其敗則目也。此言敗者。目傷故。楚不言師。君重於

師也。楚殺其大夫公子側。秋。公會晉侯齊侯

衛侯宋華元邾人于沙隨。不見公。沙隨。宋地。不見公者。

可以見公也。可以見公而不見公。譏在諸侯也。公

至自會。公會尹子晉侯齊國佐邾人伐鄭。尹子。

王卿士子爵。曹伯歸自京師。不言所歸。歸之善者也。出

入不名。以為不失其國也。歸為善。謂直言歸而不言其國。即曹伯歸自京師。

不言于曹是。自其歸次之。若蔡季自陳歸于蔡備。侯鄭自楚復歸于備是。九月。晉人

執季孫行父。舍之于莒上。行父魯執政卿其身執則危及國故謹而月之錄所憂也。若亡晉地。

○若音條。執者不舍。據昭二十三年晉人執我行人。叔孫媾不言舍。孫媾丑畧反。而舍。公所也。

今言舍者以公在莒上故也。公在莒上而言舍者明不得致也。若既不致復不言舍則無以見其舍。○復扶又反。下同。以見賢偏反。下見公同。

執者致。據昭二十四年媾至自晉。而不致。公在也。在在莒上也。見舍于莒上。還國則與公俱不得致者。

公何其執而辭也。問何故書執季孫行父而。言舍之復不致之辭邪。猶存公也。

時行父雖為晉所執猶欲存公之所在故。存意。公亦存焉。問不致行父又言舍之皆所以見公在莒上。

舍之不致之意便。可知公所在乎。公存也。但存此二事即。知公在莒上。○冬十月乙亥。叔

孫僑如出奔齊。徐鮑曰案襄二十三年臧孫紇出奔齊傳曰其日正臧紇之出也。禮大夫去君掃其宗廟不絕。

其祀身雖出奔而君遇之不失正故。○十有二月乙丑。季孫

行父及晉郤犛盟于扈。○公至自會。無二事會則致會。伐則致伐上無會。

事當言至自伐鄭而言至自會審所。○乙酉刺公子偃。大夫

日卒。正也。先刺後名。殺無罪也。傳二十八年公子買戍衛不卒成刺之是有罪者以

先列其罪。○刺七賜反。傳同爾雅云殺也。戌式喻反。

十有七年春。衛北宮括帥師侵鄭。夏公會尹子

單子。晉侯。齊侯。宋公。衛侯。曹伯。邾人。伐鄭。音善。單子六

月。乙酉。同盟于柯陵。柯陵鄭地。柯音歌。柯陵之盟。謀復伐鄭

也。謀復扶。又反。秋。公至自會。不曰至自伐鄭也。公不周

乎伐鄭也。周信也。公逼諸侯為此。盟爾意不欲更伐鄭。何以知公之不周乎

伐鄭。以其以會致也。何以知其盟復伐鄭也。以其

後會之人盡盟者也。後會謂冬。公會單子等是。不周乎伐鄭。則何

為日也。據無伐鄭意而強盟。盟不由忠不當日也。○而強其丈反。言公之不背柯陵之

盟也

舍已從人遠伐鄭

○齊高無咎出奔莒。○九月辛丑用

郊夏之始可以承春以秋之末承春之始蓋不可

矣

郊春事也僖三十一年夏四月四卜郊不從傳曰四月不時今言可者方明秋末之不可故以是為猶可也

九月用

郊用者不宜用也。宮室不設不可以祭。衣服不脩

不可以祭。車馬器械不備不可以祭。有司一人不

備其職不可以祭。祭者薦其時也。薦其敬也。薦其

美也。非享味也。

○晉侯使荀盈來乞師

將伐鄭。荀盈烏斯反

○冬公會單子。晉侯。宋公。衛侯。曹伯。齊人。邾人。

伐鄭。言公不背柯陵之盟也。十有一月。公至自伐

鄭。壬申。公孫嬰齊卒于狸蜃

狸蜃魯地也。○狸蜃上力之反。下時軫反

十

一月無壬申。壬申乃十月也。致公而後錄。臣子之義也。

嬰齊實以十月壬申日卒而公以十一月還先致公而後錄其卒故壬申在十一月下也嬰齊從公伐鄭致公然後伐鄭之事畢須公事畢然後書臣卒先君後臣之義也其地未踰竟也音境○十有二月丁巳

朔日有食之○邾子貜且卒且子餘反○晉殺其

大夫卻錡卻犖卻至自禍於是起矣厲公見殺之禍殺之如字又音試

○楚人滅舒庸

十有八年春王正月晉殺其大夫胥童○庚申晉

弑其君州蒲稱國以弑其君君惡甚矣○齊殺其

大夫國佐○公如晉○夏楚子鄭伯伐宋○宋魚

石復入于彭城彭城宋邑魚石十五年奔楚經緡復入者明前奔時入彭城以叛也今楚取彭城以封魚石故

言復○公至自晉○晉侯使士匄來聘作山音蓋○秋

杞伯來朝朝直遙反下同○八月邾子來朝○築鹿囿築牆

為鹿地之苑。圃音又。築不志。此其志何也。山林藪澤之利。所

以與民共也。虞之非正也。藪素。口反。已丑。公薨于路

寢。路寢。正也。男子不絕婦人之手。以齊終也。齊如。字又側。

皆反。冬。楚人侵宋。晉侯使士魴來乞師。魴。

音房。十有二月。仲孫蔑會晉侯。宋公。衛侯。邾子。齊

崔杼。同盟于虛打。虛打某地。杼直呂反。虛上魚反。打丑丁反。丁未。葬我君

成公。

春秋穀梁傳卷第八

經傳參阡伍伯伍拾柒字

注貳阡伍伯伍拾肆字

音義柒伯玖拾叁字

仁仲 比較 訖

春秋穀梁傳襄公第九

襄公名午簡王十四年即位

范甯集解

元年春王正月公即位繼正即位正也○仲孫蔑

會晉欒黶宋華元衛甯殖曹人莒人邾人滕人薛

人圍宋彭城繫彭城於宋者不與魚石正也魚石得罪於宋

成十五年奔楚十八年復入于彭城然則彭城已屬魚石今猶繫宋若崇君抑叛臣也○復扶又反夏晉韓厥帥

師伐鄭○仲孫蔑會齊崔杼曹人邾人杞人次于

鄆鄆鄭地鄆或為合○鄆似陵反○秋楚公子壬夫帥師侵宋壬而林反

九月辛酉天王崩○邾子來朝朝直遙反○冬衛侯使

公孫剽來聘剽匹妙反○晉侯使荀罃來聘冬者十月初也王崩趙未

至皆未聞喪故各得行朝聘之禮

二年春。王正月葬簡王。鄭師伐宋。夏五月庚

寅。夫人姜氏薨。六月庚辰。鄭伯論卒。困反。論古。晉

師。宋師衛甯殖侵鄭。其曰衛甯殖。如是而稱于前

事也。初衛侯東卒。鄭人侵之。故舉甯殖之報。以明稱其前。事不書。晉宋之將以慢其伐人之喪。稱于尺證反。秋。七

月。仲孫蔑會晉荀罃。宋華元。衛孫林父。曹人。邾人。

于戚。己丑。葬我小君齊姜。齊謚。齊姜如字。齊謚也。音側。皆反。後齊歸同。

叔孫豹如宋。冬。仲孫蔑會晉荀罃。齊崔杼。宋華

元。衛孫林父。曹人。邾人。滕人。薛人。小邾人。于戚。遂

城。虎罕。若言中國焉。內鄭也。虎罕。鄭邑。鄭服罪內之。故為之城。不繫虎罕於鄭者。如中

國之邑也。僖二年城楚。仁傳曰。楚仁者何。衛之邑。國曰城。此邑也。其曰城。何。封衛也。然則非魯邑。皆不言城。中國猶國中。也。為于偽反。

楚殺其大夫公子申

三年春。楚公子嬰齊帥師伐吳。公如晉。夏。四

月。壬戌。公及晉侯盟于長檮。晉侯出其國都與公盟于外地。檮。丑居反。公

至自晉。六月。公會單子。晉侯。宋公。衛侯。鄭伯。莒

子。邾子。齊世子光。己未。同盟于雞澤。雞澤地也。同者。

有同也。同外楚也。陳侯使袁僑如會。如會。外乎

會也。外乎會者。明本非會內也。諸侯已會乃至耳。於會受命也。戊寅。叔孫豹

及諸侯之大夫及陳袁僑盟。及以及與之也。諸侯在會而大

夫又盟是大夫執國之權。亢君之禮。陳君不會。袁僑受使來盟。袁僑之盟得其義也。通言叔孫豹及諸侯之大夫。則無以表袁僑之得禮。故再

言及明獨與袁僑不與諸侯之大夫。受使所吏反。諸侯以為可與。則與之。不可與

則釋之。諸侯盟。又大夫相與私盟。是大夫張也。故

雞澤之會。諸侯始失正矣。大夫執國權。曰袁僑。異

之也

釋不但惣言及諸侯之大夫而復別言表僑者是異表僑之得禮。復扶又反。

秋。公至自晉。

冬。晉荀營帥師伐許。

四年。春。王三月己酉。陳侯午卒。夏。叔孫豹如晉。

秋。七月戊子。夫人妣氏薨。成公夫人襄公母也。妣。姓。杞音起。葬。

陳成公。八月辛亥。葬我小君定妣。定。謚。冬。公如

晉。陳人圍頓。

五年。春。公至自晉。夏。鄭伯使公子發來聘。叔

孫豹。繒。卅子巫如晉。外不言如而言如。為我事往

也。外相如不書為魯事往故同。於內。巫。卅。符。反。為于偽反。仲孫蔑。衛孫林父。會吳

于善稻。善稻。吳地。善稻。吳謂之伊緩。左氏作善道。吳謂善伊。謂稻。緩。號。從

中國。名從主人。

夷狄所號地。形及物類。當從中國言之。以教殊俗。故不言伊緩而言善稻。人名當從其本。俗言。

○秋。大雩。楚殺其大夫公子壬夫。公會晉侯

宋公。陳侯。衛侯。鄭伯。曹伯。莒子。邾子。滕子。薛伯。齊

世子光。吳人。繒人。于戚。繒以外甥為子曾夷狄之不若故序吳下所以不復殊外吳者以其數會

中國故。曾夷才登反又如字不復扶又反數會音朔公至自會。冬。成陳。內辭也。

不言諸侯是魯成之○楚公子貞帥師伐陳。公會晉侯。宋公。

衛侯。鄭伯。曹伯。莒子。邾子。滕子。薛伯。齊世子光。救

陳。十有二月。公至自救陳。善救陳也。楚人伐陳公能救中國而

攘夷狄故善之善之謂以救陳致○辛未。季孫行父卒。

六年。春。王三月壬午。杞伯姑容卒。夏。宋華弱來

奔。○秋。葬杞桓公。滕子來朝。朝直○莒人滅繒。

莒是繒甥立以為後非其族類神不歆其祀故言滅非滅也○莒人滅繒。似陵反立其甥為後異姓故言滅也非滅也。非以兵滅中

國日。甲國月。夷狄時。縉中國也。而時非滅也。家有

既亡國有既滅。滅猶亡也。猶滅家立異姓為後則亡國立異姓為嗣則滅既盡也。滅而不

自知。由別之而不別也。縉不達滅亡之義故國滅而不知。別彼列反。莒人滅

縉。非滅也。非立異姓以蒞祭祀。滅亡之道也。莒位音利又音

類。冬。叔孫豹如邾。季孫宿如晉。宿行父子。十有二

月。齊侯滅萊。

七年。春。郊子來朝。郊音談朝直遥反下同。夏。四月。三卜郊。不從。

乃免牲。夏。四月。不時也。三卜禮也。乃者亡乎人之

辭也。小邾子來朝。城費。音秘費。秋。季孫宿如

衛。八月。螽。冬。十月。衛侯使孫林父來聘。壬戌。

及孫林父盟。楚公子貞帥師圍陳。十有二月。

公會晉侯。宋公。陳侯。衛侯。曹伯。莒子。邾子。于鄆。

地。鄆本又作鄆。鄭伯髡原如會。髡音門。反本又作郡。或作顛。顛音於倫。反左氏作髡。顛未

見諸侯。丙戌。卒于操。操鄭地。操七報反。未見諸侯。其曰如會

何也。致其志也。禮諸侯不生名。此其生名何也。卒

之名也。卒之名。則何為加之如會之上。見以如會

卒也。其見以如會卒何也。鄭伯將會中國。其臣欲

從楚。不勝。其臣弑而死。其不言弑何也。不使夷狄

之民加乎中國之君也。邵曰。以其臣欲從楚。故謂夷狄之民

去弑而言卒。使若正卒然。見以賢編反。去起呂反。其地於外也。其日未踰竟也。日

卒時葬正也。音境。踰竟。陳侯逃歸。以其去諸侯。故逃之

也。鄭伯欲從中國而懼其凶禍。諸侯莫有討心。於是懼而去之。皆華即夷。故書逃以抑之。此音佩。

八年春。王正月。公如晉。夏。葬鄭僖公。鄭人侵

蔡。獲蔡公子濕。

獲者不與之辭。侵者所以服不義。無相獲之道。公子濕本又作濕。同音濕。又音變。二十年同。

左氏作變。人。微者也。侵。淺事也。而獲公子。公子病矣。

季孫宿會晉侯。鄭伯。齊人。宋人。衛人。邾人。于邢。亡

邢亡地。邢音刑。

見魯之失正也。公在而大夫會也。

見賢。徧反。

公至自晉。莒人伐我東鄙。秋。九月。大雩。冬。

楚公子貞帥師伐鄭。晉侯使士匄來聘。

九年春。宋災。外災不志。此其志何也。故宋也。

故猶先也。孔子

之先宋人。

夏季孫宿如晉。五月。辛酉。夫人姜氏薨。

成公母。

秋。八月。癸未。葬我小君穆姜。冬。公會晉侯。宋

公。衛侯。曹伯。莒子。邾子。滕子。薛伯。杞伯。小邾子。齊

世子光伐鄭十有二月己亥同盟于戲戲鄭地。于戲許宜反。

不異言鄭善得鄭也不致取不能據鄭也戲盟還而楚伐鄭故

取不能終有鄭○楚子伐鄭

十年春公會晉侯宋公衛侯曹伯莒子邾子滕子

薛伯杞伯小邾子齊世子光會吳于相相楚地。于相莊加反。

會又會外之也五年會于戚不殊會今殊會吳者復夷狄故。復夷扶又反下不復皆同。○夏

五月甲午遂滅傅陽傅陽左氏作偏陽遂直遂也其曰遂何

也不以中國從夷狄也言時實吳會諸侯滅傅陽取以中國之君從夷狄之主故加甲午使若改

日諸侯自滅傅陽滅甲國月此日蓋為遂耳。為于偽反公至自會會夷狄不致惡

事不致夷狄不致取與同惡事不致取有惡此其致何也會吳會夷狄也滅傅陽惡事也據不應致

存中國也以中國之君從夷狄之主而滅人之邑也此即夷狄爾是無中國也故加甲午使若改日諸侯自滅傅陽爾不

以諸侯從夷狄也。滅中國雖惡事，自諸侯之一肯爾從夷狄而滅人，則中國不復存矣。皆所景反。中國有善事，則

并焉。若中國有善事，則不復言會諸侯。改日遂滅，傳陽如僖四年。諸侯侵蔡，蔡潰，遂伐楚，是并焉。則并必性反。又如字。無

善事則異之。存之也。諸侯會吳于相甲午，遂滅。傳陽是則若會異，遂異人。汲鄭伯猶

引也。鄭伯髡原為臣，所弑而不書。弑此引而致於善事。汲音急。逃歸陳侯。邾之會，陳侯不會。以其為楚故，言逃。

歸。為于偽反。致祖之會。存中國也。楚公子貞、鄭公孫輒

帥師伐宋。晉師伐秦。秋，莒人伐我東鄙。公會晉侯、宋公、衛侯、曹伯、莒子、邾子、齊世子光、滕子

薛伯、杞伯、小邾子，伐鄭。齊世子光序滕薛之上。蓋驕蹇。蹇紀輩反。冬，盜殺

鄭公子斐、公子發、公孫輒，稱盜以殺大夫。弗以上

下道惡上也。兩下相殺，不志乎春秋。惡鄭伯不能脩政，刑致盜殺。大夫也。以上下道當言鄭人殺其大夫。斐、芳尾反。

左氏作駢。惡烏路反。戍鄭虎牢。不稱其人，則魯戍也。猶戍陳。其曰鄭虎牢，決

其曰鄭虎牢，決

鄭乎虎牢也

二年鄭去楚而從中國故城虎牢不言鄭使與中國無異自爾已來數反覆無從善之意故繫之於鄭次

絕而棄外。數所。角反覆芳服反。

楚公子貞帥師救鄭。公至自伐鄭

十有一年春。王正月。作三軍。作爲也。古者天子六

師。諸侯一軍。作三軍。非正也。

周禮司馬法曰萬有二千五百人為軍。王六軍。大國三軍。

次國二軍。小國一軍。其將皆命卿二千五百人為師。然則此言天子六師。凡萬有五千。人大國三軍。則三萬七千五百人。諸侯制踰天子。非義也。惣云諸侯一軍。又非制也。昭五年經曰。舍中軍。傳曰。貴復正也。然則魯有二軍。今云作三軍。增置中軍。爾魯爲次國。於此爲明。將子匪反。

音捨。夏四月。四卜。郊不從。乃不郊。夏四月。不時也。

四卜。非禮也。鄭公孫舍之帥師侵宋。公會晉

侯。宋公。衛侯。曹伯。齊世子光。莒子。邾子。滕子。薛伯。

杞伯。小邾子。伐鄭。秋。七月。己未。同盟于京城北。

盟謀更共伐鄭。京城北。鄭地。京城左。氏。京作亳。

公至自伐鄭。不以後致。盟後

復伐鄭也

傳例曰已伐而盟復伐者則以伐致盟不復伐者則以會致此言不以後致謂會在伐後復扶又反

楚子鄭伯伐宋公會晉侯宋公衛侯曹伯齊世

子光莒子邾子滕子薛伯杞伯小邾子伐鄭會于

蕭魚

蕭魚鄭地

公至自會伐而後會不以伐鄭致得鄭

伯之辭也

鄭與會而服中國喜之故以會致鄭與音豫

楚人執鄭行人良宵

行人者挈國之辭也

行人身傳國之辭命者傳直專反

冬秦人伐晉

十有二年春王三月莒人伐我東鄙圍郟

蓋攻守之害深故以

危錄其月。郟本又作台他來反又音臺

伐國不言圍邑舉重也

伐國重圍邑輕舉重可以包輕

取邑不書圍安足書也

不足書而今書蓋為下事起為于偽反

季孫宿

帥師救郟遂入鄆

鄆音莒

遂繼事也受命而救郟

不受命而入鄆惡季孫宿也

惡烏路反

夏晉侯使士

勦來聘。秋九月。吳子乘卒。冬。楚公子貞帥師侵宋。公如晉。

十有三年。春。公至自晉。夏。取邾。音詩。邾。秋九月。庚

辰。楚子審卒。共王。共音恭。冬。城防

十有四年。春。王正月。季孫宿。叔老。會晉士匄。齊人

宋人。衛人。鄭公孫蠆。曹人。莒人。邾人。滕人。薛人。杞

人。小邾人。會吳子向。向鄭地。蠆丑。邁反。向舒其反。二月。乙未朔。日有

食之。夏。四月。叔孫豹會晉荀偃。齊人。宋人。衛北

宮括。鄭公孫蠆。曹人。莒人。邾人。滕人。薛人。杞人。小

邾人。伐秦。己未。衛侯出奔齊。諸侯出奔例。月。指結怨于民。自棄於位。君弑而

歸與知逆謀。故出入皆日。以著其惡。與音諒。莒人侵我東鄙。秋。楚公子貞

帥師伐吳。○冬。季孫宿會晉士匄。宋華閱。衛孫林

父鄭公孫薑。莒人。邾人。于戚。音悅

十有五年。春。宋公使向戌來聘。向舒亮。○二月。己

亥。及。向戌盟于劉。○劉夏逆王后于齊。劉采地夏名書名則非卿

過我。故志之也。音過。○夏。齊侯

伐我北鄙。圍成。公救成。至遇。至遇而齊師已退也。○季孫宿

叔孫豹帥師城成郭。郭音郭。○秋。八月。丁巳。日有食

之。邾人伐我南鄙。○冬。十有一月。癸亥。晉侯周

卒。

十有六年。春。王正月。葬晉悼公。○三月。公會晉侯

宋公衛侯。鄭伯曹伯。莒子。邾子。薛伯。杞伯。小邾子。

于溴梁

溴梁地。溴古聞反。

戊寅。大夫盟。溴梁之會。諸侯失正

矣。諸侯會而曰。大夫盟正在大夫也。諸侯在而不

曰。諸侯之大夫。大夫不臣也。晉人執莒子邾子以

歸。齊侯伐我北鄙。夏。公至自會。五月。甲

子地震。叔老會鄭伯。晉荀偃。衛甯殖。宋人伐許

。秋。齊侯伐我北鄙。圍成。大雩。冬。叔孫豹如

晉

十有七年。春。王二月。庚午。邾子矰卒。

矰音閉。左氏作整。

宋

人伐陳。夏。衛石買帥師伐曹。秋。齊侯伐我北

鄙。圍桃。齊高厚帥師伐我北鄙。圍防。九月。大雩

。宋華臣出奔陳。冬。邾人伐我南鄙。

十有八年春。白狄來。不言朝不能行朝禮。朝直遙反。夏。晉人執衛

行人石買。稱行人。怨接於上也。怨其君而執其使。稱行人。明使人爾罪在上也。其

使所吏反下同。秋。齊侯伐我北鄙。冬。十月。公會晉侯。宋

公。衛侯。鄭伯。曹伯。莒子。邾子。滕子。薛伯。杞伯。小邾

子。同圍齊。非圍而曰圍。據實伐。齊有大焉。亦有病焉。

齊若無罪諸侯豈得同病之乎。非大而足同與。齊非大國諸侯豈足同共圍之與。同與音餘。諸侯

同罪之也。亦病矣。諸侯同罪大國是不量力必為大國所讎則亦病矣。曹伯負芻

卒于師。閔之也。楚公子午帥師伐鄭。

十有九年春。王正月。諸侯盟于祝柯。前年同圍齊之諸侯也。祝柯齊地。

祝柯古河反注同。晉人執邾子。公至自伐齊。春秋之義。已伐

而盟。復伐者。則以伐致。京城北之類是。復扶又反下及注皆同。盟不復伐。

者則以會致會于蕭魚之類是祝柯之盟盟復伐齊與怪不以會致

與音餘曰非也不復伐齊然則何為以伐致也曰與人同事

或執其君或取其地同與邦圍齊而晉執其君魯取其地此與盟後復伐無異取邾田

自灑水以灑水為界。灑水火灑反又音郭水名軋辭也軋委曲隨灑水言取邾田之多。軋於八反其

不日惡盟也惡烏路反季孫宿如晉葬曹成公

夏衛孫林父帥師伐齊秋七月辛卯齊侯環卒

晉士匄帥師侵齊至穀聞齊侯卒乃還還者事

未畢之辭也受命而誅生死無所加其怒不伐喪

善之也善之則何為未畢也君不尸小事臣不專

大名善則稱君過則稱己則民作讓矣士匄外專

君命故非之也然則為士匄者宜奈何宜墀帷而

歸命乎介

除地為壇於壇張帷反命于介介歸告君君命乃還不敢專也。壇音善介音界副使也。

○八月。

丙辰仲孫蔑卒。○齊殺其大夫高厚。○鄭殺其大

夫公子嘉。○冬葬齊靈公。○城西郭。○叔孫豹會

晉士匄于柯

柯地

○城武城

二十年春。王正月。辛亥。仲孫速會莒人盟于向

向莒邑。向舒亮反。

○夏六月。庚申。公會晉侯。齊侯。宋公。衛侯。鄭

伯。曹伯。莒子。邾子。滕子。薛伯。杞伯。小邾子。盟于澶

淵

澶淵衛地。澶市然反。

○秋。公至自會。○仲孫速帥師伐邾

○蔡殺其大夫公子濕。蔡公子履出奔楚。○陳侯

之弟光出奔楚。諸侯之尊。弟兄不得以屬通。其弟

云者。親之也。親而奔之。惡也。

顯書弟明其親也。親而奔遂之所以惡陳侯。弟光左氏

作黃惡鳥路反。叔老如齊。冬十月丙辰朔日有食之。

季孫宿如宋

二十有一年春王正月公如晉。邾庶其以漆閭

亡來奔。以者不以者也。凱曰人臣無專祿以邑叛之道。漆音七閭力居反來奔者

不言出。舉其接我者也。漆閭亡不及小大敵也。

夏公至自晉。秋晉欒盈出奔楚。九月庚戌

朔日有食之。冬十月庚辰朔日有食之。曹伯

來朝。朝直送反公會晉侯齊侯宋公衛侯鄭伯曹伯

莒子邾子于商任。商任其地任音壬庚子孔子生

二十有二年春王正月公至自會。夏四月秋

七月辛酉叔老卒。冬公會晉侯齊侯宋公衛侯

鄭伯曹伯莒子邾子滕子薛伯杞伯小邾子于沙隨。公至自會。楚殺其大夫公子追舒。

二十有三年春。王二月癸酉朔。日有食之。三月。

己巳。杞伯匄卒。害反。匄古。夏邾界我來奔。二反。界必。葬

杞孝公。陳殺其大夫慶虎及慶寅。稱國以殺罪

累上也。及慶寅。慶寅累也。陳侯之弟光自楚歸于

陳。光反。稱弟言。歸無罪明矣。晉欒盈復入于晉。入于曲沃。曲沃晉地。復

扶又反。秋。齊侯伐衛。遂伐晉。八月。叔孫豹帥師救

晉。次于雍渝。雍渝晉地。雍於用。反。又。如字。渝羊朱反。言救後次。非救也。其惡

不遂君命而專止次。故先通君命而後言次。尊君抑臣之義。鄭嗣曰。次

止也。凡先書救而後言次。皆非救也。僖元年齊師宋師曹師次于聶北

救。邢此師本欲止聶北。遙為之援。爾隨其本意而書。故先言次而後言

救。約本受君命。救晉中道不能。故先言救而後言次。若鄭伯未見諸侯

而曰如會致其本意。惡其烏路反下傳。惡之同。聶比不轉反。中道丁仲反。又如字。已卯。仲孫速卒。

冬十月乙亥。臧孫紇出奔邾。其日正。臧孫紇之出

也。正其有罪。蓬伯玉曰。不以道事其君者。其出乎。必不見容。蓬

其居。晉人殺欒盈。惡之。弗有也。不言殺其大夫是。齊

侯襲莒。輕行掩其不備曰襲。輕遣政反又如字。

二十有四年。春。叔孫豹如晉。仲孫羯帥師侵齊。

夏。楚子伐吳。秋。七月。甲子朔。日有食之。既。

齊崔杼帥師伐莒。大水。八月。癸巳朔。日有食

之。公會晉侯。宋公。衛侯。鄭伯。曹伯。莒子。邾子。滕

子。薛伯。杞伯。小邾子。于夷儀。冬。楚子蔡侯。陳侯。

許男。伐鄭。公至自會。陳鍼宜咎出奔楚。鍼其廉反咎

其九。反。叔孫豹如京師。大饑。五穀不升為大饑。成升

也。一穀不升謂之嗛。嗛不足貌。嗛去聲。單反。二穀不升謂之饑。

三穀不升謂之饑。音近。四穀不升謂之康。康虛。五穀不

升謂之大侵。傷。大侵之禮。君食不兼味。臺榭不塗。

塗聖飾。榭音謝。聖烏路反。又烏洛反。弛侯。廷道不除。弛廢也。侯射侯也。廢侯不

弛侯。式氏反。廷道徒侯。反朝廷之道也。一音庭。百官布而不制。官職備列不可闕。發不更有造作。鬼

神禱而不祀。周書曰大荒有禱無祀。此大侵之禮也。

二十有五年。春。齊崔杼帥師伐我比鄰。夏。五月。

乙亥。齊崔杼弑其君光。莊公失言。淫于崔氏。放言將淫崔氏

為此見弑也。邵曰淫過也。言莊公言語失漏有過於崔子而崔子弑之。故傳載其致弑之由。以明崔杼之罪甚。為此于偽反下為其同。

公會晉侯。宋公。衛侯。鄭伯。曹伯。莒子。邾子。滕子。薛

伯杞伯。小邾子。于夷儀。六月。壬子。鄭公孫舍之。

帥師入陳。秋。八月。己巳。諸侯同盟于重亡。會夷儀之諸侯

也重亡齊地重直龍反公至自會。衛侯入于夷儀。夷儀本邢地衛滅邢而為衛地

○楚屈建帥師滅舒鳩。屈居勿反冬。鄭公孫夏帥師

伐陳。夏尸雅反十有二月。吳子謁伐楚。門于巢卒。以

伐楚之事。門于巢卒也。所以攻巢之門者為其伐楚之事故也然則伐楚經巢。子謁左氏

作過于巢者。外乎楚也。若但言伐楚卒而不言于巢者則卒在楚也言于巢則不在楚門于

巢。乃伐楚也。先攻巢然後楚乃可得伐諸侯不生名。取卒之名。加

之伐楚之上者。見以伐楚卒也。其見以伐楚卒何

也。據伐楚惡事無緣致本意。見賢編反古者大國過小邑。小邑必飾城

而請罪禮也。飾城者脩守備請罪問所以為闕致師之意。守備手又反或如字吳子謁伐楚

至巢入其門。門人射吳子。有矢創。反舍而卒。古者雖有文事。必有武備。非巢之不飾城而請罪。非吳

子之自輕也。

非責。射入良亦反。創。初良反。

二十有六年。春。王二月。辛卯。衛甯喜弑其君剽。此

不正。其日何也。殖也。立之喜也。君之正也。

父立以為君。則子宜

君之以明正也。君剽。匹妙反。

衛孫林父入于戚以叛。甲午。衛侯

衎復歸于衛。日歸。見知弑也。

書喜弑君。衎可言歸衎。實與弑故。錄日以見之。善目所以知其與弑者。

言辛卯弑君。甲午便歸。是待弑而入。故得速也。衎苦旦反。一本作衎。見知賢。衎反。實與音。豫下同。

夏。晉侯使荀

吳來聘。公會晉人。鄭良霄。宋人。曹人。于澶淵。

秋。宋公殺其世子痤。

座在禾反。

晉人執衛甯喜。八月。

壬午。許男甯卒于楚。

宣九年九月辛酉。晉侯黑。甯卒于楚。傳曰。其日未踰竟也。此乃在楚。何以

日邪隱三年八月庚辰宋公和卒傳曰日卒正也
許男卒于楚則在外已顯日卒明其正○竟音境○冬楚子蔡侯

陳侯伐鄭○葬許靈公

二十有七年春齊侯使慶封來聘○夏叔孫豹會

晉趙武楚屈建蔡公孫歸生衛石惡陳孔魚鄭良

霄許人曹人于宋○喚呼亂反○衛殺其大夫甯喜稱國

以殺罪累上也甯喜弑君其以累上之辭言之何

也嘗為大夫與之涉公事矣鄭嗣曰若獻公以喜有弑君之罪而殺之則不宜既入以

為大夫而復殺之明以他故○復扶又反甯喜由君弑君而不以弑君之罪

罪之者惡獻公也獻公即衎也鄭嗣曰書甯喜弑其君則喜之罪不嫌不明今若不言喜之無罪而死則獻

公之惡不彰○惡獻烏路反○衛侯之弟專出奔晉專左氏作鱄專喜之

徒也專之為喜之徒何也已雖急納其兄與人之

臣謀弑其君。是亦弑君者也。專其曰弟何也。

據稱弟則

無罪。已音紀。專有是信者。

言君本使專與喜為約。納君許以寵。賂今反殺之。獻公使專失信。故稱弟見獻公之

惡也。見賢備反。

君賂不入乎喜而殺喜。是君不直乎喜也。

故出奔晉。織約邯鄲。終身不言衛。

取失信。約其俱反。邯音寒。鄲音舟。

專

之去。合乎春秋。

何休曰。竊喜本弑君之家。獻公過而殺之。小負也。專以君之小負自絕。非大義也。何以合乎春秋。

秋鄭君釋之曰。竊喜雖弑君之家。本專與約。納獻公。爾公由喜得入。已與喜以君臣從事矣。春秋撥亂重盟約。今獻公背之而殺忠于已者。是

獻公惡而難親也。獻公既惡而難親。專又與喜為黨。懼禍將及。君子見幾而作。不俟終日。微子去紂。孔子以為上仁。專之去衛。其心若此。合于

春秋不亦宜乎。與約如字。又於妙反。下同。為約于偽反。本或作盟。約皆之音佩。

秋七月辛巳。豹及

諸侯之大夫盟于宋。澠梁之會。諸侯在而不曰諸

侯之大夫。大夫不臣也。晉趙武取之。豹云者。恭也。

不舉。氏姓。諸侯不在而曰諸侯之大夫。大夫臣也。其臣

恭也。晉趙武爲之會也。冬十有二月乙亥朔日有食之。

二十有八年春無冰。夏衛石惡出奔晉。邾子

來朝。朝直。秋八月大雩。仲孫羯如晉。冬齊

慶封來奔。十有一月公如楚。十有二月甲寅

天王崩。靈王。乙未楚子昭卒。

二十有九年春王正月公在楚閔公也。閔公爲楚所制故存錄

夏五月公至自楚喜之也。諷曰遠之蠻國喜得全歸致君者殆其

往。危殆而喜其反此致君之意義也。庚午衛侯術

卒。闔弒吳子餘祭闔門者也。寺人也不稱名姓

闔不得齊於人不稱其君闔不得君其君也。禮君

不使無恥。不近刑人。

無恥不知臧否。閻音昏守門人也。祭側界反。寺人本又作侍。人不近附近之。近下同。否音鄙。又方九反。

不狎敵。不彌怨。賤人。非所貴也。貴人。非所

刑也。刑人。非所近也。舉至賤而加之。吳子。吳子近

刑人也。闔弒吳子餘祭。仇之也。

怨仇餘祭故弒之。狎戶甲反。怨於顛反。又於元反。

仇音求。仲孫羯會晉荀盈。齊高止。宋華定。衛世叔儀。

鄭公孫段。曹人。莒人。邾人。滕人。薛人。小邾人。城杞。

古者天子封諸侯。其地足以容其民。其民足以滿

城以自守也。杞危而不能自守。故諸侯之大夫相

帥以城之。此變之正也。

諸侯微弱。政由大夫。大夫能同恤災危。故曰變之正。

○晉侯

使士鞅來聘。杞子來盟。

杞復稱子。蓋時王所黜。復扶又反。

○吳子使札

來聘。

杜預曰。吳子餘祭既遣札聘上國。而後死。札以六月到。曾未聞喪也。不稱公子。其禮未同於上國。札側八反。

○吳其

稱子何也。善使延陵季子。故進之也。身賢賢也。使

賢亦賢也。延陵季子之賢尊君也。以季札之賢吳子得進稱子是尊君也其

名成尊於上也。春秋賢者不名而札名者許夷狄不一而足唯成吳之尊稱直稱吳則不得有大夫。尊稱尺證反

○秋九月葬衛獻公。齊高止出奔北燕。其曰北

燕從史文也。南燕姑姓在鄭衛之間北燕姬姓在晉之北史曰北燕據時然故不改也傳所言解時但有言口燕者。其乙反又其吉反

○冬仲孫羯如晉

三十年春。王正月。楚子使遠罷來聘。聘例時此聘月之何也。秦曰桓

二年宋督弑其君與夷傳曰書王以正與夷之卒然則義有所明皆頂王以正之書王必上繫于春下統于月此書王以治蔡般弑父之罪爾非以錄遠罷之聘。遠罷于委反下

○夏四月。蔡世子般弑

其君固。其不日。子奪父政。是謂夷之。比之夷狄故不日也。丁未楚世子商

臣弑其父傳曰日斃之卒所以謹商臣之弑也。楚公子比弑其君傳曰不日比不弑般弑不日而曰夷之何也。徐乾曰凡中國君正卒皆書日

以錄之夷狄君卒皆不日以略之所以別中國與夷狄夷狄弑君而日者閱其為惡之甚謹而錄之中國君卒例日不以弑與不弑也至于卒而不日者乃所以略之與夷狄同例○子般音班本又作班髡苦門反以別彼列反○五月甲午宋災伯

姬卒取卒之日加之災上者見以災卒也其見以

災卒奈何伯姬之舍失火左右曰夫人少辟火乎

伯姬曰婦人之義傳母不在宵不下堂宵夜○見以賢偏反辟音避下

同左右又曰曰夫人少辟火乎伯姬曰婦人之義保

母不在宵不下堂遂逮乎火而死婦人以貞為行

者也伯姬之婦道盡矣詳其事賢伯姬也○速音代又大計反

行下孟反○天王殺其弟佞夫傳曰諸侯且不首惡况於

天子乎君無忍親之義天子諸侯所親者唯長子

母弟耳天王殺其弟佞夫甚之也○長丁○丈反○王子瑕

奔晉不言出。秋七月。叔弓如宋。葬共姬共姬從夫之謚。共音恭。外

夫人不書葬。此其言葬何也。吾女也。卒災。故隱而

葬之也。鄭良霄出奔許。自許入于鄭。鄭人殺良

霄。不言大夫惡之也。惡鳥。路反。冬十月。葬蔡景公。不

日卒而月葬。不葬者也。卒而葬之。不忍使父失民

於子也。鄭嗣曰。夫葬者。臣子之事也。景公無子。不可謂無民。無民則景公有失於民。有民則罪歸於子。若不書葬。則嫡亦失民。故

曰。不忍使父失民於子。晉人。齊人。宋人。衛人。鄭人。曹人。莒人。邾

人。滕人。薛人。杞人。小邾人。會于澶淵。宋災。故會不

言其所為。其曰宋災。故何也。不言災。故則無以見

其善也。其曰人何也。救災以衆。何救焉。更宋之所

喪財也。償其所喪財。故雖不及災時。而猶曰救災。所為于澶淵。偽反。以見賢徧反。更音庚。償也。喪息浪反。償時亮反。澶淵

之會。中國不侵伐夷狄。夷狄不入中國。無侵伐八年。善之也。晉趙武。楚屈建之力也。

三十有一年。春。王正月。夏。六月。辛巳。公薨于楚

宮。楚宮非正也。楚宮別宮。各非路寢。秋。九月。癸巳。子野卒。襄公

大子。子卒日。正也。己亥。仲孫羯卒。冬。十月。滕

子來會葬。書非禮。癸酉。葬我君襄公。十有一月。莒

人弑其君密州。

春秋穀梁卷第九

經傳肆阡陸伯捌拾玖字 注貳阡柒伯玖拾壹字

音義玖伯零肆肆字

余 仁仲刊于家塾

春秋穀梁傳昭公第十

昭公名稠景
王四年即位

范甯集解

元年春王正月公即位繼正即位正也。叔孫豹

會晉趙武楚公子圍齊國弱宋向戌衛齊惡陳公

子招蔡公孫歸生鄭罕虎許人曹人于郭招上昭
反郭左氏

作號。三月取鄆鄆曾邑言取者叛
戾不服。鄆音運。夏秦伯之弟鍼出

奔晉諸侯之尊弟兄不得以屬通其弟云者親之

也。親而奔之惡也。鍼其廉反
惡烏路反。六月丁巳邾子華卒

。晉荀吳帥師敗狄于大原大原地
大音泰。傳曰中國曰

大原夷狄曰大鹵。號從中國名從主人。襄五年注詳矣
鹵力古反

。秋莒去疾自齊入于莒莒展出奔吳。叔弓帥師

疆鄆田。疆之為言猶竟也。

為之境界。去起呂反。竟音境。

葬邾悼公。

○冬。十有一月。己酉。楚子卷卒。

卷音權。左氏作麋。

楚公子比

出奔晉。

二年。春。晉侯使韓起來聘。○夏。叔弓如晉。○秋。鄭

殺其大夫公孫黑。○冬。公如晉。至河乃復。

乃者工乎人之辭刺。

公弱劣受制疆臣。

取如晉。故著有疾也。

公凡四如晉。季氏許公于晉。侯使不見。公公懼。不利。于已。

故公託至河有疾而反以殺取也。十二年傳曰。季氏不使遂乎晉。與此傳互文。以見義然。則十三年二十一年如晉。與此義同。二十三年經曰。

至河有疾。乃復。是微有疾而反。嫌與上四如晉同。故明之。見去聲。

季孫宿如晉。公如晉而不

得入。季孫宿如晉而得入。惡季孫宿也。

明晉之不見公。季孫宿之

所為。惡鳥路反。

三年。春。王正月。丁未。滕子原卒。○夏。叔弓如滕。○

五月葬滕成公。○秋。小邾子來朝。○朝直。八月大

雩。○冬。大雨雹。○雨于付反。雹皮學反。○北燕伯款出奔齊。其曰

北燕從史文也。

四年春。王正月。大雨雪。雪或為雹。○雨雪于付反。左氏作雨雹。○夏。楚子蔡

侯。陳侯。鄭伯。許男。徐子。滕子。頓子。胡子。沈子。小邾

子。宋世子佐。淮夷。會于申。楚靈王始會諸侯也。○沈音審。楚人執徐

子。稱人以執。執有罪。○秋。七月。楚子蔡侯。陳侯。許男。頓子。胡

子。沈子。淮夷。伐吳。衆國之君傾衆悉力以伐彊敵。內外之害重。故謹而月之。定四年伐楚亦月。此其例也。

執齊慶封。殺之。此入而殺。其不言入何也。慶封封

乎吳鍾離。言時殺慶封。自于鍾離。實不入吳。其不言伐鍾離何也。不與

吳封也。慶封其以齊氏何也。據已絕于齊。為齊討也。靈

王使人以慶封令於軍中曰。有若齊慶封弑其君者乎。謂與崔杼共弑莊公光。為于偽反。慶封曰。子一息。我亦且一言。曰。

有若楚公子圍弑其兄之子而代之。為君者乎。軍

人粲然皆笑。粲然。盛笑貌。粲。七旦反。慶封弑其君。而不以弑君

之罪罪之者。慶封不為靈王服也。不與楚討也。傳例。

曰。稱人以殺大夫為殺有罪。今殺慶封。經不稱人。故曰不以弑君之罪罪之。為于偽反。春秋之義。用貴治

賤。用賢治不肖。不以亂治亂也。孔子曰。懷惡而討。

雖死不服。其斯之謂與。音餘。遂滅厲。遂繼事也。

九月。取繒。冬。十有二月。乙卯。叔孫豹卒。

五年。春。王正月。舍中軍。貴復正也。曾次國舊二軍。襄十一年立三軍。今毀之。

故曰復正。舍音捨。楚殺其大夫屈申。屈居。勿反。公如晉。夏。

莒。牟夷以牟婁及防茲來奔。以者。不以者也。來奔

者。不言出。以其方及防茲。以大及小也。莒無大夫。其

曰牟夷何也。以其地來也。以地來則何以書也。重

地也。竊地之罪重故。秋。七月。公至自晉。戊辰。叔弓

帥師敗莒師于賁泉。賁泉。曾地。賁泉。扶粉反。左氏作蚡泉。狄人謂賁泉

失台。號從中國。名從主人。台。湯來反。秦伯卒。冬。楚

子蔡侯陳侯許男頓子沈子徐人越人伐吳

六年。春。王正月。杞伯益姑卒。葬秦景公。夏。季

孫宿如晉。葬杞文公。宋華合比出奔衛。比。必里反。又毗志

反。秋。九月。大雩。楚遠罷帥師伐吳。冬。叔弓

如楚。齊侯伐北燕。

七年春。王正月。既齋。平既其器反。平者成也。既猶既。既

也。既者不得已也。以外及內曰既。三月。公如楚。叔孫

婁如齊。蒞盟音利又音類。蒞位也。內之前定之辭。謂

之蒞外之前定之辭。謂之來。夏四月。甲辰朔。日

有食之。秋八月。戊辰。衛侯惡卒。鄉曰衛齊惡元在

子不奪人名。不奪人親之所名。重其所以來也。王

父名子也不奪人名謂親之所名明臣雖欲改君不當聽也君不聽

臣易名者欲使人重父命也父受名于王父王父卒則稱

命名之。九月。公至自楚。冬。十有一月。癸未。季孫

宿卒。十有二月。癸亥。葬衛襄公。

八年春。陳侯之弟招殺陳世子偃師。鄉曰陳公子

招在元今日陳侯之弟招何也。曰：盡其親，所以惡

招也。盡其親，謂既稱公子，又稱弟，招先君之公子，今君之母弟。惡鳥路反。兩下相殺，不志乎

春秋。此其志何也。世子云者，唯君之貳也。云可以

重之存焉。志之也。諸侯之尊，弟兄不得以屬通。其

弟云者，親之也。親而殺之，惡也。惡招。夏四月辛丑。

陳侯溺卒。歷乃。叔弓如晉。楚人執陳行人干

黜，師殺之。干，姓黜，師名。稱人以執大夫，執有罪也。稱行

人，怨接於上也。陳公子留，出奔鄭。秋，蒐于紅。紅，魯

蒐，所未反。正也。常事不書，而此書者，以後比年大蒐失禮，因此以見正。見賢徧反。因蒐狩以習

用武事。禮之大者也。艾蘭以為防。蘭，香草也。防，為田之

魚廢反。置旃以為轅門。旃，旌旗之名。周禮通帛為旃。轅門，印車以

仰本又作昂以葛覆質以為槩質樵也槩門中臬葛或為揭。槩魚列反門槩也樵張林反臬魚列反

也揭戶葛反毛布也流旁握御擊者不得入流旁握謂車兩轆頭各去門邊容握握四寸也擊挂

則不得入門擊古帝反挂也劉兆云絳也本或作擊車軌塵塵

轍音衛一音徐歲反車軸頭也挂戶卦反又音卦礙也出馬候蹄發足相應逐疾相投。蹄徒兮反馬足也相應應對之應揜禽旅揜取眾禽。揜於檢反本

亦作掩御者不失其馳然後射者能中不失馳騁之節。中丁仲反下皆同

過防弗逐不從奔之道也戰不逐奔之義面傷不獻獲誅降。降戶江反

不成禽不獻惡虐幼少。惡鳥路反年未傳及注皆同少詩召反禽雖多天子取三

十焉其餘與士衆以習射於射宮取三十以共乾巨賓客之庑射宮擇宮。

共音恭庑步交反射而中田不得禽則得禽田得禽而射不

中則不得禽是以知古之貴仁義而賤勇力也射以不爭

為仁揖讓為義爭爭鬪之爭陳人殺其大夫公子過音戈大雩

〇大雩

冬十月壬午。楚師滅陳。執陳公子招。放之于越。殺

陳孔奐。惡楚子也。惡其滅人之國。放有罪之人。反殺無辜之臣。故實是楚子而言師。葬陳

哀公。不與楚滅閔之也。滅國不葬。閔楚夷狄。以無道滅之。故書葬以存陳。

九年春。叔弓會楚子于陳。許遷于夷。以自遷為文。而地者許復見也。

夷許地。徐邈曰。許十八年又遷于白羽。許比遷徙所都。無常居處。淺薄如一邑之移。故略而不月。不得從國遷常例。復扶又反見賢。徧反。

夏四月。陳火。邑曰火。火不志。此何以志閔陳而存之也。陳已滅矣。猶書火者。不與楚滅也。不可以方全國。故不云災。何休曰。月者閔之。

秋。仲孫矍如齊。矍俱。縛反。冬。築郎囿。囿音又。舊于目反。苑也。

十年春。王正月。夏。齊欒施來奔。秋。七月。季孫

意如。叔弓。仲孫矍。帥師伐莒。戊子。晉侯彪卒。彪

彼虬反。九月。叔孫婁如晉。月者為下葬晉平公起。為于偽反。葬晉平公。

十有二月甲子宋公成卒

不書冬葬所未詳。成音城。

十有一年春王二月叔弓如宋。葬宋平公。

晉獻公以殺世子申

生故不書葬宋平公殺世子痤而書葬許何乎何休曰痤有罪故也。痤之罪寘所未聞。鄭莊公殺弟而書葬以段不弟也。何氏將以理例推之。然則段不弟也。故不書弟。痤若不子亦不應書。世子書世子則痤之罪非不子明矣。○痤在禾反。不弟大帝反。又如字下不弟同。○夏

四月丁巳楚子虔誘蔡侯般殺之于申。何為名之

也。據諸侯不生名。虔其然反。或作乾。侯般音班。夷狄之君誘中國之君而殺

之。故謹而名之也。稱時。稱月。稱日。稱地。謹之也。蔡侯

般弑父之賊。此人倫之所不容。王誅之所必加。禮九在官者殺無赦。豈得惡楚子殺般乎。若謂夷狄之君不得行禮于中國者。理既不通。事又

不然。宣十一年楚人殺陳夏徵舒。不言入傳。曰明楚之討有罪也。似若上下違反。不兩立之說。嘗試論之曰。夫罰不及嗣。先王之令。典懷惡而

討丈夫之醜。行楚虔滅人之國。殺人之子。伐不以罪。亦已明矣。莊王之討徵舒則異於是矣。凡罰當其理。雖夷必申。苟違斯道。雖華必抑。故莊

王得為伯。討齊侯不得滅紀。趙盾救陳則稱師。以大之靈。王誘蔡則書名以惡之。所以情禮俱暢。善惡兩顯。豈直惡夷狄之君。討中國之亂哉。

夫楚靈王之殺蔡般亦猶晉惠之戮里克雖伐弑逆之國誅有罪之人不獲討賊之美而有累謹之名者良有以也。○得惡鳥路反下以惡之豈直惡同陳夏戶雅反醜行下孟反罰當。○楚公子棄疾帥師丁浪反又如字趙看徒本反有累力偽反。

圍蔡。五月甲申夫人歸氏薨。昭公母胡女歸姓。大蒐于

比蒲。夏而言蒐蓋用秋蒐之禮八年秋蒐于紅傳曰正也此月大蒐人衆器械有踰常禮時有小君之喪不譏喪蒐者重守國之衛安不忘危。○比音毗城戶戒反。仲孫貜會邾子盟于祲祥。祲祥地也。○

秋季孫意如會晉韓起齊國弱宋華亥衛北宮

佗鄭罕虎曹人杞人于厥憇。厥憇地也。○佗大河反。○九

月己亥葬我小君齊歸。齊謚。冬十有一月丁酉楚

師滅蔡執蔡世子友以歸用之。僖十九年邾人執繒子用之傳曰用之者叩其鼻以

衄血惡之故謹而日之。叩音口衄音二惡鳥路反下文及注同此子也。諸侯在喪梅子其曰世子何

也。不與楚殺也。一事注乎志所以惡楚子也。一事軼注而志

之也何休曰即不與楚殺當貶楚爾何故反貶蔡稱卅子邪鄭君釋之曰滅蔡者楚子也而稱師固已貶矣楚子思啓封疆而貪蔡誘殺蔡侯般冬而滅蔡殺友惡其淫放其志殺一國二君以取其國故變子言卅子使若不得其君終

十有二年春齊高偃帥師納北燕伯于陽齊者高偃

玄孫齊大夫也陽燕別邑不言于燕未得國都也納者內不受也燕伯之不名何

也據義不可受則應名以絕之不以高偃挈燕伯也邵曰公子遂以去

書名為挈者臣宜書名故須去公子乃為挈君不可名而以巨名君者不待去燕伯則為挈也是以目燕伯而不書名所以不與高偃挈之

挈苦結反以去起呂反〇二月壬申鄭伯嘉卒〇夏宋公使華定

來聘〇公如晉至河乃復季孫氏不使遂乎晉也

〇五月葬鄭簡公〇楚殺其大夫成虎〇秋七月

〇冬十月公子慙出奔齊慙魚斬反〇楚子伐徐〇晉

伐鮮虞其曰晉狄之也其狄之何也不正其與夷

狄交伐中國故狄稱之也

鮮虞姬姓白狄也地居中山故曰中國夷狄謂楚也何休曰春秋多

與夷狄並伐者何以不狄也鄭君釋之曰晉不見因會以綏諸夏而伐同姓貶之可也狄之大重晉為厥愆之會實謀救蔡以八國之師而不能救楚終滅蔡今又伐徐晉不糾合諸侯以遂前志舍而伐鮮虞是楚而不如此也故狄稱之焉厥愆之會穀梁無傳鄭君之說似依左氏寔所

未詳是穀梁意非見賢

徧反諸夏戶雅反舍音捨

十有三年春叔弓帥師圍費

音秘

○夏四月楚公

子比自晉歸于楚弑其君虔于乾溪

乾溪楚地

○自

晉晉有奉焉爾歸而弑不言歸言歸非弑也

傳例曰歸為善

自某歸次之然則弑君不

得言歸比不弑之一驗也歸一事也弑一事也而遂言之

以比之歸弑比不弑也

歸弑其事各異自宜別書之而今連言之是比之歸遇君弑爾比不弑之

也二驗弑君者日不日比不弑也

據文元年丁未楚世子商臣弑其君髡曰此不日比

不弑之三驗也

髡苦門反○楚公子棄疾殺公子比當上之辭也

當上之辭者。謂不稱人以殺。乃以君殺之也。稱人以殺謂若

衛人殺祝吁于濮是也。今比實不弑。故以君殺大夫之辭言之。吁音于反。濮音卜。討賊以當上之辭。殺

非弑也。實有弑君之罪。則人人皆欲殺。宜稱人以殺之。今言楚公子棄疾殺公子比。明棄疾所殺非弑君之人。比之不弑。四驗也。

比之不弑有四事。取國者稱國以弑。若比欲取國而弑君者。當直云楚比

弑其君。慶不應言公子也。若衛祝吁弑其君。完齊無知弑其君。諸兒之類是也。楚公子棄疾殺公子

比。比不嫌也。今棄疾殺之。又言殺公子比。不言弑其君。是比無欲為君之嫌。春秋不以嫌代

嫌。不以亂治亂之義。棄疾主其事。故嫌也。比實無弑君之罪。而主殺之者是棄疾。欲為君之嫌。

○秋公會劉子。晉侯。齊侯。宋公。衛侯。鄭伯。曹伯。莒

子。邾子。滕子。薛伯。杞伯。小邾子。于平上。平上地也。八月。

甲戌同盟于平上。公不與盟。公以再如晉不得入。故不肯與盟。與音豫。同

者有同也。同外楚也。公不與盟者。可以與而不與。

譏在公也。其日善是盟也。

公不與盟當從外盟不目今日之善其會盟因楚有難而反陳

蔡之君。有難乃旦反。

晉人執季孫意如以歸。

以公不與盟故公至自

會。蔡侯廬歸于蔡。陳侯吳歸于陳。

八年楚滅陳十一年楚滅蔡諸

侯會而復之故言歸

善其成之。會而歸之。故謹而日之。

二國獲復此盟之功也故

於其歸追述前盟謹日之意以美諸侯存亡繼絕非謹陳蔡歸國之日也於盟則發謹日之美於歸則論致美之義

此未嘗

有國也。使如失國辭然者。不與楚滅也。冬十月。

葬蔡靈公。變之不葬。有二。

變之謂改常禮春秋之常小國夷狄不葬

失德不

葬。

無君道弑君不葬。

謂不討賊如無臣子

滅國不葬。

無巨子也然且葬。

之不與楚滅。且成諸侯之事也。

蔡靈公弑逆無道以至身死國滅不宜書葬善

葬者不令夷狄加乎中國且成諸侯與滅繼絕之善故葬之。令力呈反。

公如晉。至河乃復。

吳滅州來。

十有四年春。意如至自晉。大夫執則致。致則名。意

如惡。然而致。見君臣之禮也。大夫有罪則宜廢之。既不能廢。不得不盡為君臣之恩。故

曰見君臣之禮。見君賢。編反。三月。曹伯滕卒。夏。四月。秋。葬曹

武公。八月。莒子去疾卒。去起。呂反。冬。莒殺其公子

意恢。恢苦。回反。言公子而不言大夫。莒無大夫也。莒

無大夫而曰公子。意恢。意恢賢也。曹莒皆無大夫。

其所以無大夫者。其義異也。曹叔振鐸。文王之子。武王封之于曹。在甸服之內。後削小

爾莒已姓。東夷本微國。振鐸之慎反。下大各反。甸徒。編反。已。姓音已。一本又音祀。

十有五年春。王正月。吳子夷末卒。末亡。葛反。二月。癸

酉。有事于武宮。籥入。叔弓卒。去樂卒事。君在祭樂

之中。聞大夫之喪。則去樂卒事。禮也。祭樂者。君在廟中。祭作樂。籥。籥

由若反去起呂反

君在祭樂之中。大夫有變以聞可乎。

變謂大死變

夫國體也。

君之卿佐是謂服肱故曰國體

古之人重死。君命無所不通。

死者不可復生重莫大焉是以君雖在祭樂之中大夫死以聞可也。後扶又反。

夏蔡朝吳出奔鄭。

朝吳蔡大夫

○六月丁巳朔日有食之。○秋晉荀吳帥師

伐鮮虞。○冬公如晉。

十有六年春齊侯伐徐。○楚子誘戎蠻子殺之。

楚子

不名戎蠻子非中國故

○夏公至自晉。○秋八月己亥晉侯夷卒。

○九月大雩。○季孫意如如晉。○冬十月葬晉昭

公。

十有七年春小邾子來朝。

朝直遙反

○夏六月甲戌朔

日有食之。○秋郟子來朝。○八月晉荀吳帥師滅

陸渾戎

滅夷狄時路子嬰兒賢則日此月者蓋亦有殊于常戎

○冬有星孛于大辰。

一有一二曰有于大辰者。濫于大辰也。

劉向曰大辰者大火也。不曰孛。

于大火而曰大辰者謂濫于蒼龍之體不獨加大火。○星孛。浦內反。孛于本又作蕪音佩。

○楚人及吳戰于

長岸

長岸楚地

兩夷狄曰敗。

夷狄不能結日成陳故曰敗於越敗吳于檇李是也。○曰敗必邁反下文

楚人及

及注同成陳直刃反檇李音醉

中國與夷狄亦曰敗。

晉荀吳敗狄于大國是也

楚人及

吳戰于長岸。進楚子。故曰戰。

十有八年春。王三月。曹伯須卒。○夏五月壬午。宋

衛陳鄭災。其志以同日也。其日亦以同日也。或曰。

人有謂鄭子產曰。某日有災。子產曰。天者神。子惡

知之。是人也。同日為四國災也。

○惡音烏

○六月。邾人入

郟。

○郟音馬。又音矩。

○秋。葬曹平公。○冬。許遷于白羽。

○白羽許地

十有九年春。宋公伐邾。夏五月戊辰。許世子止

弑其君。買曰弑。正卒也。蔡世子般實弑父。故以此夷狄而不書。曰止弑而曰知其不弑。止不弑則

買正卒也。正卒則止不弑也。不弑而曰弑。責止也。責止不

止曰。我與夫弑者。不立乎其位。以與其弟虺。止自責曰我與

弑君之人同罪。於是致君位於弟。與夫音豫。又如字。下音扶。虺許鬼反。哭泣。歆飭粥。噉不容粒。

噉喉也。歆昌悅反。又常悅反。飭之然反。又居言反。粥也。粥之六反。噉音益。咽喉也。容粒音九。未踰年而死。故

君子即止自責而責之也。就其有自責心。故以備禮責之。己卯。地

震。秋。齊高發帥師伐莒。冬。葬許悼公。日卒時

葬。不使止為弑父也。曰。子既生。不免乎水火。母之

罪也。羈貫成童。不就師傅。父之罪也。羈貫謂父年。前髮以為飾。成童

八歲以上。羈貫又作羈貫。古亂反。就師學問無方。心志不通。身之罪也。

心志既通。而名譽不聞。友之罪也。名譽既聞。有司

不舉。有司之罪也。有司舉之。王者不用。王者之過

也。不敢罪上。故言過。許世子止不知嘗藥。累及許君也。許君

子以師傳使不識嘗藥之義。故累及之。累劣為反。

二十年春。王正月。夏。曹公孫會自夢山奔宋。自

夢者。專乎夢也。能專制夢。自夢無工反。又上忠反。又上弄反。本或作休。左氏作鄭。曹無大

夫。其曰公孫何也。言其以貴取之。而不以叛也。煇

公孫之貴。而得夢。既而不以之叛。明曹君無道。致令其奔。非會之罪。故書公孫以善之。令力呈反。秋。盜殺衛侯

之兄。輒盜賤也。其曰兄。母兄也。目衛侯。衛侯累也。

凱曰。諸侯之尊。弟兄不得以屬。通經不書衛公子。而斥言衛侯之兄者。惡其不能保護其兄。乃為盜所殺。故稱至賤。殺至貴。惡其為路反。

然則何為不為君也。嫡兄宜為君。嫡丁歷反。曰。有天疾者。不得

入乎宗廟。輒者何也。曰：兩足不能相過。齊謂之暴。

楚謂之蹶。衛謂之輒。○暴音其又具異反。劉兆云暴連併也。蹶女輒反。劉兆云聚合不解也。輒本亦作輒。

劉兆云如見絆繫也。○冬十月。宋華亥向廩。華定出奔陳。

曰月者蓋三卿同出為禍害重也。君以目為體民以君為命。凡為惡者大害民。趣甚春秋皆變常文而示所謹。非徒足以見時事之實亦知安

危監戒去耳。○廩昌慮反以見賢偏反。○十有一月辛卯。蔡侯廬卒。

二十有一年春。王三月葬蔡平公。夏。晉侯使士

鞅來聘。○宋華亥向廩。華定自陳入于宋南里。以

叛。自陳。陳有奉焉。爾入者。內弗受也。其曰宋南里。

宋之南鄙也。以者。不以者也。叛。直叛也。言不○秋。七

月。壬午朔。日有食之。○八月。乙亥。叔輒卒。叔弓之子。○

冬。蔡侯東出奔楚。東者東國也。何為謂之東也。王

父誘而殺焉

楚子虔誘蔡侯般殺之于申。蔡侯東左氏及公羊作蔡侯朱。

父執而用焉

執蔡

出子友以歸用之是也

奔而又奔之。曰東惡之而貶之也

奔既罪矣又奔

讎國惡莫大焉。惡之為路反。

公如晉。至河乃復

二十有二年。春。齊侯伐莒。宋華亥。向寧。華定自

宋南里出奔楚。自宋南里者專也

專制南里

。大蒐于

昌間

間如字一音簡

。秋而曰蒐。此春也。其曰蒐何也。以蒐

事也。夏四月乙丑。天王崩。六月。叔鞅如京師

。葬景王

叔鞅叔弓子天子志崩不志葬志葬危不得以禮葬也月者亦為葬景王起。亦為于偽反。

王室

亂。亂之為言。事未有所成也

君氏立子朝劉氏單氏立王猛俱未定也

。劉子

單子。以王猛居于皇

皇地。單音善

。以者。不以者也。王猛

嫌也

直言王猛不言王。子是有當國之嫌。

。秋。劉子。單子。以王猛入于王

城以者不以者也。入者內弗受也。猛非正也。冬十月王

子猛卒。此不卒者也。未成君也。其曰卒失嫌也。猛本有富國之嫌其

卒則失嫌故錄之。十有二月癸酉朔日有食之

二十有三年春王正月叔孫婼如晉。癸丑叔鞅

卒。晉人執我行人叔孫婼。晉人圍郊。郊周邑也。夏

六月蔡侯東國卒于楚。不日在外也以罪出奔又奔薳國故不葬。秋七月

莒子庚輿來奔。戊辰吳敗頓胡沈蔡陳許之師

于雞甫。雞甫楚地。雞甫左氏作雞父。胡子髡沈子盈滅。國雖存君死曰滅。髡皆

門反盈本亦作逞。中國不言敗。此其言敗何也。據宣十二年晉荀林父及楚子戰于

邲晉師敗績不言楚敗晉師。中國不敗。胡子髡沈子盈其滅乎。其言

敗釋其滅也。若師不敗則君無由滅也。賢胡沈之君死社稷。獲陳夏箴。獲者非

與之辭也

賢夏鬻雖獲不病以其得衆也義與華元同○夏戶雅反鬻五結反

上下之稱也

君死曰滅臣得曰獲君目之稱○之稱尺證反注之稱同

○天王居于狄泉

敬王辟子朝狄泉周地○

辟音

始王也其曰天王因其居而王之也

天子踰年即位稱王

敬王踰年而出故曰始王雖不在國行即位之禮王者以天下為家故居于狄泉稱王

尹氏立王子朝

隱四年衛人立晉傳曰稱人以立得衆也此言尹氏立明唯尹氏欲立之

立者不宜立者也朝之

不名何也

據晉之名惡今朝亦惡怪不直名而言王子○惡鳥路反下同

別嫌乎尹氏之

朝也

若但言尹氏立朝則嫌朝是君氏之子故言王子以別之○別彼列反

○八月乙未地震

○冬公如晉至河公有疾乃復疾不志此其志何

也釋不得入乎晉也

二十有四年春王二月丙戌仲孫纁卒○媯至自晉

大夫執則致致則挈由上致之也

上謂宗廟也致臣于廟則直名而已所謂君前

臣名。○摯
苦結反。

○夏五月乙未朔日有食之。○秋八月大

雩。○丁酉杞伯郁釐卒。○釐力之反。○冬吳滅巢。葬杞

平公

二十有五年春叔孫婁如宋。○夏叔倪會晉趙鞅

宋樂大心衛北宮喜鄭游吉曹人邾人滕人薛人

小邾人于黃父。有鸚鵡來巢。一有云曰有來

者來中國也。鸚鵡不渡濟非中國之禽故曰來。○鸚其俱反本又作鸚音權左氏作鸚公羊作鸚音欲濟子禮反

鸚鵡穴者而曰巢。劉向曰去穴而巢此陰居陽位臣逐君之象也或曰增之也

如增言巢爾其實不巢也雅曰凡春秋記災異未有妄加之文或說非也○秋七月上辛大雩季

辛又雩季者有中之辭也。不言中辛中辛無事又有繼之辭

也。緣有上辛大雩故言又也○九月乙亥公孫于齊孫之為言猶

孫也。諱奔也。次于陽州。止也。陽州齊竟上之地未敢直前故止竟也。公孫音遜。

本亦作遜下同齊侯唁公于野井。野井齊地齊侯來唁公公逆之至野井。唁音安。弔

失國曰唁。唁公不得入於魯也。○冬十月戊辰。叔

孫媾卒。十有一月己亥。宋公佐卒于曲棘。曲棘宋地。邠

公也。邠當為訪訪謀也言宋公所以卒于曲棘者欲謀納公。邠音方又音訪。○十有二月齊侯

取鄆。取鄆以居公。取。易辭也。內不言取。以其為公取之。故

易言之也。○易以取反為于偽反。

二十有六年春。王正月。葬宋元公。○三月。公至自

齊。居于鄆。公次于陽州。其曰至自齊何也。據公但至陽州未至齊。

以齊侯之見公。可以言至自齊也。齊侯唁公于野井以親見齊侯為重。

故可言至自齊居于鄆者。公在外也。若但言公至自齊而不言居于鄆則公得歸國欲明公實在外故言。

居于鄭。至自齊。道義不外公也。至自齊者。曰子喜君父得反。致宗廟之辭。爾今君雖在外。

猶以在國之禮錄之。是崇君之道。夏。公圍成。成孟氏邑。非國不言圍。所以

言圍者。以大公也。崇大其事。秋。公會齊侯。莒子。邾子。杞

伯。盟于鄆陵。鄆陵其地。音專。又市轉反。公至自會。居于鄆。公在

外也。至自會。道義不外公也。九月。庚申。楚子居

卒。冬。十月。天王入于成周。周有入無出也。始即位非其所

今得還。復據宗廟。是內故可言入。若即位。在朝則王者無外。不言出。尹氏。召伯。毛伯。以王子

朝奔楚。遠矣。非也。雍曰。奔篡君之賊。其責遠矣。召上。照反。篡初患反。奔。直奔也。

二十有七年。春。公如齊。自鄭行。公至自齊。居于鄆。公

在外也。夏。四月。吳弑其君僚。僚力。離反。楚殺其

大夫郟宛。宛於阮反。又於元反。秋。晉士鞅。宋樂祁犁。衛北

宮喜曹人邾人滕人會于扈。力私反扈音戶冬十

月曹伯午卒。邾快來奔。徐鏡曰自此已前邾界我庶其並來奔今邾快又至三叛之人

俱以魯為主知魯鄰國而聚其逋逃為過之甚故悉書之以示讖也小國無大夫故但舉名而略其氏。邾快苦夫反界必二反本或作鼻逋

進布吳反公如齊。公至自齊。居于鄆。

二十有八年春。王三月葬曹悼公。公如晉。次于

乾侯。不得入于晉乾侯晉地公在外也。夏四月丙戌鄭伯寤

卒。寤下滕子寤皆如字六月葬鄭定公。秋七月癸巳滕

子寧卒。冬葬滕悼公。

二十有九年春。公至自乾侯。居于鄆。以乾侯致不齊得見晉侯故齊

侯使高張來唁公。唁公不得入於魯也。公如晉。

次于乾侯。夏四月庚子叔倪卒。季孫意如曰叔

倪無病而死。此皆無公也。是天命也。非我罪也。言

倪欲納公無病而死此皆天命使魯無君爾魯公之出非我罪。叔倪五計反又五方反左氏作誥。秋七月。冬。

十月。鄆潰潰之為言。上下不相得也。上下不相得。

則惡矣。亦譏公也。公既出奔不能改德脩行居鄆小邑復使潰亂德之不建如此之甚。潰戶內反惡鳥路。

反又如字行下孟反復扶又反。昭公出奔。民如釋重負。傳明昭公有過非但李氏之罪。

三十年春。王正月。公在乾侯。中國不存。公存。公故

也。中國猶國中也。夏六月庚辰。晉侯去疾卒。去起呂反。秋八

月。葬晉頃公。頃音傾。冬十有二月。吳滅徐。滅夷狄時月者為下奔起。

偽為子。徐子章羽奔楚。奔而名者有罪惡也。惡鳥洛反。

三十有一年春。王正月。公在乾侯。季孫意如會

晉荀躒于適歷。適歷晉地。躒音歷。舊作躒適丁歷反。夏四月丁巳。薛

伯穀卒。晉侯使荀欒唁公于乾侯。唁公不得入

於魯也。曰：既為君言之矣，不可者意如也。言己已告魯來納君

唯意如不肯為于偽反。秋，葬薛獻公。冬，黑肱以濫來奔。其

不言邾黑肱何也。據襄二十一年邾庶其以漆聞亡來奔言邾。肱古弘反。濫力甘反。又力暫反。別

乎邾也。邾以濫邑封黑肱，故別之若國。別彼列反。其不言濫子何也。據既別之為國

則應書其辭。非天子所封也。來奔，內不言叛也。十有

二月，辛亥朔，日有食之。

三十有二年，春，王正月，公在乾侯，取闕。闕，口。暫反。夏，

吳伐越。秋，七月。冬，仲孫何忌會晉韓不信、齊

高張、宋仲幾、衛大叔射、鄭國參、曹人吾人、邾人薛

人杞人、小邾人，城成周。天子微，諸侯不享覲。享，獻也。覲，

見也言天子微弱四方諸侯不復貢獻又無朝見之禮。大
音泰享許丈反觀其斬反見賢偏反復扶又反朝直遙反天子之
在者。惟祭與號。祭謂郊上帝號謂稱王故諸侯之大夫相帥以
城之。此變之正也。十有二月己未。公薨于乾侯。

春秋穀梁卷第十

經傳肆阡壹伯玖拾玖字

注參阡叁伯肆拾壹字

音義壹阡零陸拾字

仁祥比較說

春秋穀梁傳定公第十一。定公名宋昭公庶弟敬王十一年即位

范甯集解

元年春王不言正月定無正也定之無正何也昭

公之終非正終也死在外故定之始非正始也昭無正

終故定無正始不言即位喪在外也○三月晉人

執宋仲幾于京師晉執人於尊者之側而不以歸京師故但言其執不書所歸徐邈曰案傳定元年不

書正月言定無正也然則改元即位在于此年故不可以不書王書王必有月以承之故因其執月以表年首爾不以謹仲幾也此

大夫其曰人何也微之也何為微之不正其執人

於尊者之所也不與大夫之伯討也○夏六月癸

亥公之喪至自乾侯戊辰公即位殯然後即位也

周人殯于西階之上定無正見無以正也踰年不言即位是有

故公也

謂昭公在外故見賢編反

言即位是無故公也。即位授受

之道也

先君見授後君乃受故須棺在殯乃言即位

先君無正終則後君無正

始也。先君有正終則後君有正始也。戊辰公即位

謹之也。定之即位不可不察也。公即位何以日也

據未有日者

戊辰之日然後即位也。癸亥公之喪至自乾

侯何為戊辰之日然後即位也

癸亥去戊辰六日怪不即位

正君乎

國然後即位也

諸侯五日而殯今以君始死之禮治之故須殯而後言即位

沈子曰正

棺乎兩楹之間然後即位也

兩楹之間南面之君聽治之處○之處昌慮反

內

之大事日即位君之大事也。其不日何也。以年決

者不以日決也。此則其日何也。著之也

欲有所見何著

焉。踰年即位厲也

厲危也公在外踰年六月乃得即位危故日之

於厲之中又

有義焉

先君未殯則後君不得即位

未殯雖有天子之命猶不敢

况臨諸臣乎

以輕喻重也雖為天子所召不敢背殯而往况君喪未殯而行即位之禮以臨諸臣乎

周人

有喪魯人有喪周人弔魯人不弔周人曰固吾臣

也使人可也魯人曰吾君也親之者也使大夫則

不可也故周人弔魯人不弔以其下成康為未久

也

周道尚明無愧于不往君至尊也去父之殯而往弔猶不敢

况未殯而臨諸臣乎。秋七月癸巳葬我君昭公。九月

大雩。雩。月。雩之正也。秋大雩。非正也。冬大雩。非正也。秋大

雩之為非正何也

冬禾稼既成猶雩則非禮可知秋禾稼始苗嫌當須雨故問也

毛澤未

盡。人力未竭。未可以雩也

邵曰凡地之所生謂之毛公羊傳曰錫之不毛之地是也言秋

百穀之潤澤未盡也人力未盡謂耕耨之功未畢。耨本又作芸音云

雩。月。雩之正也。月之為

雩之正何也。其時窮人力盡。然後雩。雩之正也。何

謂其時窮人力盡。是月不雨。則無及矣。是年不艾。

則無食矣。是謂其時窮人力盡也。雩之必待其時。

窮人力盡何也。雩者為早求者也。求者請也。古之

人重請。何重乎請。人之所以為人者讓也。請道去

讓也。則是舍其所以為人也是以重之焉。請哉。請

乎應上公。古之神人有應上公者。通乎陰陽。君親

帥諸大夫道之。而以請焉。道之謂君必為先也。其禱辭曰。方

何。勞不敢煩民。請命。願撫萬民。以身塞無狀。禱亦請也。此即請辭也。艾魚廢反為早。于偽反。去讓。羗呂反。是舍音捨。捨焉。請於屢反。應上時掌

反道之夫請者。非可詒託而往也。必親之者也。是以

重之。詒託猶假寄。詒以之反。立煬宮。煬宮伯禽子廟。毀已久。煬宮反餘。亮反。煬公之廟也。煬公伯禽子。

立者不宜立者也。冬十月。隕霜殺菽。建酉之月隕霜殺菽非常

災未可以殺而殺。舉重舉殺豆則殺草可知可殺而不殺。舉輕

不殺草則不殺菽亦顯倍三其曰菽舉重也。十三年隕霜不殺草是也

二年春。王正月。夏五月。壬辰。雉門及兩觀災。雉門

公宮之南門兩觀闕也。其不曰雉門災及兩觀何也。先據

書雉門則應言雉門災及兩觀鄭編曰災自兩觀始也。不以

尊者親災也。始災者兩觀也鄭編曰今以災在兩觀先言雉

門尊尊也。欲言兩觀災及雉門則卑不可以及尊災不從雉門起

鄭編曰欲以兩觀親災則經宜言兩觀災及雉門尊兩觀卑卑不

可以及尊故不得不先言雉門而後言兩觀欲令兩觀始災故災在兩

觀下爾。令力呈反。秋。楚人伐吳。冬十月。新作雉門及兩觀。言新有舊也。作爲也。有加其度也。此不正。其以

尊者親之何也不正謂更廣大之不合法度也雖不正也

於美猶可也改舊雖不合正脩飾美好之事
差可以雉門親之○差初賈反

三年春王正月公如晉至河乃復○三月辛卯邾

子穿卒音川○夏四月○秋葬邾莊公○冬仲孫

何忌及邾子盟于拔拔地名○拔皮八反

四年春王二月癸巳陳侯吳卒○三月公會劉子

晉侯宋公蔡侯衛侯陳子鄭伯許男曹伯莒子邾

子頓子胡子滕子薛伯杞伯小邾子齊國夏于召

陵侵楚夏戶雅反○夏四月庚辰蔡公孫姓帥師

滅沈以沈子嘉歸殺之公孫姓音○五月公及諸

侯盟于臯鼬召陵會劉子諸侯愆言之
臯鼬地名○鼬由又反一事而再會公

志於後會也。後志疑也。

公畏楚強疑於侵之故復會更謀也。不日者後楚伐蔡不能救故。復會

扶又反

杞伯成卒于會。六月葬陳惠公。許遷于

容城。

秋七月公至自會。劉卷卒。

劉采地。劉卷音權采七代反。

此不卒而卒者賢之也。寰內諸侯也。非列土諸侯。

此何以卒也。

天子畿內大夫有采地者謂之寰內諸侯。非列土之諸侯。雖賢猶不當卒。寰內音環。

天王

崩。為諸侯主也。

昭二十二年景王崩嘗以賓主之禮相接能為諸侯主所以為賢。

葬杞悼

公。楚人圍蔡。晉士鞅。衛孔圉帥師伐鮮虞。

葬劉文公。冬十有一月庚午。蔡侯以吳子及楚

人戰于伯舉。楚師敗績。吳其稱子何也。以蔡侯之

以之。舉其貴者也。

貴謂子也。

蔡侯之以之。則其舉貴者

何也。吳信中國而攘夷狄。吳進矣。其信中國而攘

夷狄奈何。子胥父誅于楚也。

子胥父伍奢也。為楚平王所殺。信音申。據如羊反。却也。

挾弓持矢而干闔廬。

見不以禮曰干。欲因闔廬復父之讎。挾戶牒反。又子協反。闔戶臘反。廬力居。

反見賢徧反。

闔廬曰。大之甚。勇之甚。

子胥匹夫。乃欲復讎於國。君其孝其大其心其勇。

為

是欲興師而伐楚。子胥諫曰。臣聞之。君不為匹夫

興師。且事君猶事父也。虧君之義。復父之讎。臣弗

為也。於是止。蔡昭公朝於楚。有美裘。正是日。囊瓦

求之。

正是日。謂昭公始朝楚之日。為是于偽反。不為及下。為是皆同朝於直。遙反。注同。囊乃郎反。

昭公不與

為是拘昭公於南郢。

南郢楚都。郢以井反。又以正反。

數年然後得歸。

歸乃用事乎漢。

用事者。僑漢水神。數所主反。

曰。苟諸侯有欲伐楚者。寡

人請為前列焉。楚人聞之而怒。為是興師而伐蔡。

蔡請救于吳。子胥曰。蔡非有罪。楚無道也。君若有

憂中國之心。則若此時可矣。為是興師而伐楚。何

以不言救也。據實救蔡救大也。夷狄漸進未同於中國楚囊瓦出奔

鄭。知見伐由己故懼而出奔庚辰吳入楚。日入。易無楚也。易無楚

者。壞宗廟。徙陳器。擗平王之墓。鄭嗣曰陳器樂縣也禮諸侯軒縣言吳人壞楚宗廟

徙其樂器。鞭其君之尸。楚無能亢御之者若曰無人也。易以政反壞音怪擗士達反縣音之元苦浪反何以不言滅

也。據宗廟既毀樂器已徙則是滅也欲存楚也。其欲存楚奈何。昭王之

軍敗而逃。父老送之曰。寡人不肖。亡先君之邑。父

老反矣。何憂無君。寡人且用此入海矣。父老曰。有

君如此其賢也。以衆不如吳。以必死不如楚。雍曰吳勝而驕

楚敗而奮。音笑奮方問反肖。相與擊之。一夜而三敗吳人。復立也。楚復立也。敗

必邁反。後。何以謂之吳也。據戰稱子狄之也何以謂狄之也。

君居其君之寢而妻其君之妻。大夫居其大夫之寢而妻其大夫之妻。蓋有欲妻楚王之母者。不正乘敗人之績而深為利。居人之國。故反其狄道也。五年春。王三月辛亥朔。日有食之。夏歸粟于蔡。

蔡侯比年在楚。又為楚所伐。飢故諸侯歸之粟。

諸侯無粟。諸侯相歸粟。正也。孰

歸之。諸侯也。不言歸之者。專辭也。

不言歸之者。主名若獨是魯也。義

邇也。

言此是爾近之事。故不足具列諸侯。

於越入吳。

舊說於越夷言也。春秋即其所以自稱者。書之見其

不能慕中國。故以本俗名自通。見其賢。編反。

六月丙申。季孫意如卒。

傳例曰。大夫不曰卒。

惡也。意如逐昭公而日卒者。明定之。得立由于意如。春秋因定之不惡。而書日以示譏。亦猶公子翬非桓之罪人。故於桓不舉。惡烏路反。翬

許章反。秋七月壬子。叔孫不敢卒。冬。晉士鞅帥師

圍鮮虞。

六年春王正月癸亥鄭游速帥師滅許以許男斯

歸。二月公侵鄭公至自侵鄭。夏季孫斯仲孫

何忌如晉。仲孫何忌而曰仲孫何忌審所未詳公羊傳曰譏二名。秋晉人執宋行人

樂祁犂。冬城中城城中城者三家張也。大夫稱家三家仲孫

叔孫季孫也三家侈張故公懼而脩內城譏公不務德政恃城以自固。張如字一音下亮反注同。或曰非外民也

○季孫斯仲孫忌帥師圍鄆

七年春王正月。夏四月。秋齊侯鄭伯盟于鹹

音咸。齊人執衛行人北宮結以侵衛以重辭也。衛

人重北宮結。齊以衛重結故執以侵之若楚執宋公以伐宋凡言以皆非所宜以。齊侯衛侯

盟于沙。沙地。大雩。齊國夏帥師伐我西鄙。九

月大雩。冬十月

八年春王正月公侵齊公至自侵齊○二月公侵齊

未得志故三月公至自侵齊公如往時致月危致也往

月致時危往也往月致月惡之也○惡鳥路反曹伯露

卒○夏齊國夏帥師伐我西鄙○公會晉師于尾

尾衛地也公至自尾○秋七月戊辰陳侯柳卒○柳良久反○晉

士鞅帥師侵鄭遂侵衛○葬曹靖公○九月葬陳

懷公○季孫斯仲孫何忌帥師侵衛○冬衛侯鄭

伯盟于曲濮○曲濮衛地濮音卜○從祀先公貴復正也○文公逆祀今還

順○盜竊寶玉大弓寶玉者封圭也○始封之圭大弓者

武王之戎弓也○是武王征伐之弓周公受賜藏之魯○周公受賜於周

藏之魯者欲世世子孫無忘周德也非其所以與人而與人謂之亡也○亡失非

其所取而取之謂之盜

九年春王正月。夏四月戊申鄭伯蠆卒。蠆田。漢反。

得寶玉大弓。杜預曰弓王國之分器也。得之足以為榮。失之足以為辱。故重而書之。○分器扶問反。其不

地何也。寶玉大弓在家則羞。不日羞也。國之大寶在家則羞也。況陪臣

專之乎。取甚而不日其地。惡得之。惡於何也。○惡音烏。注亦同。得之堤下。或曰陽虎

以解衆也。六月葬鄭獻公。秋齊侯衛侯次于

五氏。五氏晉地。秦伯卒。冬葬秦哀公。

十年春王三月及齊平。平前八年再侵齊之怨。夏公會齊侯

于頰谷。頰古協反。左傳作夾谷。公至自頰谷。離會不致。雍曰二國會曰離。各

是其所是非其所非。然則所是之是未必是。所非之非未必非。是非不能非人之真。非未必是者不能是人之真。是非紛錯則未有是

是非不同。故曰離。離則善惡無在。善惡無在則不足致之于宗廟。何為致也。危之也。危之則

以地致何也。為危之也。其危奈何。曰。頰谷之會。孔

子相焉。兩君就壇。兩相相揖。將欲行盟會之禮。為危于偽反相焉。息亮反。下兩相同。

壇徒丹反。封上曰壇。齊人鼓譟而起。欲以執魯君。羣呼曰譟。鼓譟素報反。呼火故反。

孔子歷階而上。不盡一等。而視歸乎齊侯。階會壇。階之階。會以結。曰

兩君合好。夷狄之民。何為來為。命司馬止之。兩君合會以結。

親好而齊人欲執魯君。此無禮之甚。故謂之夷狄之民。司馬主兵之官。使禦之。合好呼報反。注同。使禦魚呂反。齊侯遠

巡而謝曰。寡人之過也。退而屬其二三大夫曰。夫

人率其君與之行。古人之道。二三子獨率我而入

夷狄之俗。何為。屬語也。夫人謂孔子也。齊人欲執魯君。是夷狄之行。遠。一句反。屬章欲反。夫人音扶。語魚呂。

反之行。下孟反。罷會。齊人使優施舞於魯君之幕下。優非施。其名也。

幕帳欲嗤笑魯君。幕音莫。能皮皆反。嗤尺之反。孔子曰。笑君者罪當死。使司馬

行法焉。首足異門而出。齊人來歸鄆。謹龜陰之田。

者。蓋爲此也。

何休曰：齊侯自頰谷歸，謂晏子曰：寡人獲過於魯，侯如之何？晏子曰：君子謝過以質，小人謝過以文。

齊嘗侵魯四邑，請皆還之。○謹好官反，蓋爲于僞反。

因是以見，雖有文事，必有武

備。孔子於頰谷之會見之矣。

賢偏反。以見。

晉趙鞅帥師

圍衛。齊人來歸鄆。謹龜陰之田。叔孫州仇、仲

孫何忌帥師圍郕。

郕，叔孫氏邑。郕音后。

秋，叔孫州仇、仲孫何

忌帥師圍郕。宋樂大心出奔曹。宋公子地出

奔陳。冬，齊侯、衛侯、鄭游速會于安甫。

安甫地名。

叔

孫州仇如齊。宋公之弟辰暨宋仲佗、右彊出奔

陳。

辰爲佗所強，故曰暨。暨，其器反。佗，大河反。彊，苦侯反。強，其丈反。

十有一年春，宋公之弟辰未失其弟也。

言辰未有失其爲弟之道。

故書弟以罪宋公及仲佗石彊公子地以尊及卑也自陳陳

有奉焉爾入于蕭以叛蕭宋邑入者內弗受也以者

不以也叛直叛也夏四月秋宋樂大心自曹

入于蕭入蕭從叛人叛可知故不書叛冬及鄭平平六年侵鄭之怨傳例曰盟不日者渝盟

惡之也取夫詳略之義則平不日者亦有惡矣蓋不能相結以信渝羊朱反變也惡之烏路反下同取夫音符叔還如

鄭莅盟音旋

十有二年春薛伯定卒夏葬薛襄公叔孫州

仇帥師墮郕陪臣專強違背公室恃城為固是以叔孫墮其城若新得之故大墮墮猶

取也墮非訓取言今但毀其城則郕求屬已若更取邑於他然墮許規反毀也背音佩衛公孟彊帥師

伐曹季孫斯仲孫何忌帥師墮費音秘秋大

雩冬十月癸亥公會齊侯盟于黃十有一月

丙寅朔日有食之。公至自黃。十有二月。公圍

成。非國不言圍。圍成。大公也。以公之重而伐小邑則為恥深矣故大公之事而言圍使

若成是國然公至自圍成。何以致危之也。何危爾邊乎齊

也。邊謂相接

十有三年。春。齊侯次于垂葭。音加。夏。築蛇淵囿。

蛇淵地名音毗。大蒐于比蒲。音毗。衛公孟彊帥師伐

曹。秋。晉趙鞅入于晉陽以叛。以者。不以者也。叛

直叛也。冬。晉荀寅士吉射入于朝歌以叛。射食夜反又

食亦反。晉趙鞅歸于晉。此叛也。其以歸言之。何也。

據叛惡而歸善。貴其以地反也。貴其以地反。則是大利也。

非大利也。許悔過也。許悔過則何以言叛也。以地

正國也

地謂晉陽也蓋以晉陽之兵還正國也公羊傳曰逐君側之惡人

以地正國則何以

言叛

據是善事

其入無君命也

凱曰專入晉陽以與甲兵故不得言叛實以驅惡而安君則釋兵

不得不言歸春秋善惡必著之義

薛弒其君比

又此志反

十有四年春衛公叔戌來奔。晉趙陽出奔宋。

趙陽左氏作衛趙陽

○二月辛巳楚公子結陳公孫佗人帥師

滅頓以頓子牂歸

佗徒河反又如字牂作即反

○夏衛北宮結來奔

○五月於越敗吳于檇李

檇李吳地敗必邁反檇李音辭

○吳子光卒

公會齊侯衛侯于牽

牽地牽去賢反

公至自會

○秋齊侯來公

會于泲

泲他刀反

○天王使石尚來歸服

服祭肉天子祭畢以之賜同姓諸侯

親兄弟之國與之共福○服市軫反

服者何也。俎實也。祭肉也。生日服。熟

曰膳。其辭石尚士也。

辭猶書也。膳音煩本或作煩

何以知其士也。天

子之大夫不名。石尚欲書春秋。欲著名于春秋諫曰：久矣。

周之不行禮於魯也。請行服。貴復正也。衛世子

蒯聵出奔宋。蒯聵苦怪反下五怪反衛公子孟彊出奔鄭。宋公

之弟辰自蕭來奔。稱弟猶未失為弟之行。行下孟反大蒐于比蒲。

邾子來會公。會公于比蒲城莒父及霄。無冬三并所未詳

十有五年。春。王正月。邾子來朝。朝直遙反鼯鼠食郊

牛。牛死。改卜牛。不言所食食非一處以至死。鼯音芳處昌慮反不敬。莫大焉。定公

不敬最大故天災最甚。二月。辛丑。楚子滅胡。以胡子豹歸。夏。

五月。辛亥。郊。譏不時也。壬申。公薨于高寢。高寢宮名高寢

非正也。鄭罕達帥師伐宋。齊侯、衛侯次于渠

蔭。渠蔭地也。蔭直居反。邾子來奔。喪。喪急。故以奔言之。

秋七月壬申弋氏卒。妾辭也。不言夫人薨。弋氏羊職反。哀公之母左氏作妣氏。哀

公之母也。八月庚辰朔日有食之。九月滕子

來會葬。邾滕魯之屬國。近則來奔喪遠則來會葬於長帥。之喪同之王者書非禮。○長丁丈反帥所類反。○丁

巳葬我君定公雨不克葬葬既有日不為雨止禮

也。雨不克葬喪不以制也。戊午日下稷乃克葬。稷

乃急辭也。不足乎日之辭也。也下吳謂脯時。為于偽反。稷如字左氏作吳脯布吳反。

宣八年。○辛巳葬定弋。定戈左氏作定奴。○冬城漆。

春秋穀梁卷第十一

經傳貳阡玖伯壹拾伍字

注壹阡捌伯叁拾捌字

音義伍佰捌拾伍字

仁仲 比 校 訖

春秋穀梁傳哀公第十二。哀公名將敬王二十六年即位

范甯集解

元年春王正月公即位。楚子陳侯隨侯許男圍

蔡。隨又不見者衰微也。稱侯者本爵俱侯。土地見侵削故微。爾定六年鄭滅許。今復見者自復也。不見賢褊。反下復見同。復扶又反。

○鼯鼠食郊牛角。改卜牛。夏四月辛巳郊。此該

郊之變而道之也。該備也。春秋書郊終於此。故於此備說。郊之變變謂郊非其時或性被災害。於

變之中。又有言焉。於災變之中又有可善而言者。鼯鼠食郊牛角。改

卜牛。志不敬也。郊牛日展。斛角而知傷。展道盡矣。

長首雖蓋所以備災之道不盡。變哀公不敬。故致天變。斛音糾。又音求。郊自正月至于三月。郊

之時也。夏四月郊不時也。五月郊不時也。夏之始

可以承春。以秋之末承春之始。蓋不可矣。凱曰不時之中有差

劇也夏始承春方秋之末猶為可也。有差初賣反九月用郊用者不宜用者也在成

十七年郊三卜禮也以十二月下辛卜正月上辛如不從則以正

卜三月上辛所謂三卜也鄭嗣曰謂卜四卜非禮也僖三十一年襄十

一辛而三也求吉之道三故曰禮也四卜非禮也年襄十一

年皆五卜強也成十年卜免牲者吉則免之不吉則

否牛傷不言傷之者傷自牛作也故其辭緩宣三年郊

牛之口傷以牛自傷故加之言緩辭。則否方九反全曰牲傷曰牛未牲曰牛其牛

一也其所以為牛者異已卜日成牲而傷之曰牛未有變

而不郊故卜免牛也已牛矣其尚卜免之何也傷

不復以郊性復卜免之禮與其亡也盜有於禮有卜之與嘗置之

上帝矣故卜而後免之不敢專也嘗置之際官名之為

施也。滌徒歷反擅市戰反施式氏反又如字

卜之不吉則如之何不免安置之

繫而待六月上甲始庀牲然後左右之庀具也待具後牲然後左右前

牛在我用之不復須卜已有新牲故也周禮曰司門掌授管鑰以啓閉國門祭祀之牛牲繫焉然則未左右時監門者養之○庀匹爾反鑰其

展反又其偃反監古銜反子之所言者牲之變也而曰我一該郊

之變而道之何也我以六月上甲始庀牲十月上

甲始繫牲十一月十二月牲雖有變不道也牲有變則改下

牛以不妨郊事故不言其變待正月然後言牲之變此乃所以該

郊至郊時然後言其變重其妨郊也十二月不道自前可知也至正月然後道則二月三月亦可知也此所以該郊言其變道盡郊

享道也貴其時大其禮其養牲雖小不備可也享

飲食之道牲有變則改卜牛郊日已逼庀繫之禮雖小不備合時得禮用之可也○享許犬反子不志三月卜

郊何也三月謂十二月正月二月也郊自正月至二月三月

有變乃志常事不書我以十二月下辛卜正月上辛如不從則

以正月下辛。卜二月上辛。如不從，則以二月下辛。

卜三月上辛。如不從，則不郊矣。意欲郊而卜不吉，故曰不從郊，必用上辛者取

其新絜。莫先也。秋，齊侯、衛侯伐晉。冬，仲孫何忌帥師伐

邾

二年春，王二月，季孫斯、叔孫州仇、仲孫何忌帥師

伐邾，取濼、東田。濼，東未盡也。及沂西田，沂西未盡

也。鄭所皆水名，邵曰以其言東西則知其未盡也。邾，東火繞反，又音郭所魚依反。癸巳，叔孫州仇

仲孫何忌及邾子盟于句繹。句繹，邾地。古侯反，繹音亦。三人伐而

二人盟，何也。各盟其得也。季孫不得田，故不與盟。不與音豫。夏四月

丙子，衛侯元卒。滕子來朝。朝，直。晉趙鞅帥師

納衛世子蒯聵于戚。鄭君曰：蒯聵欲殺母靈公廢之，是也。若君薨有反國之道，當稱子某如齊子糾。

也今稱世子知君存是春秋不與蒯聵得反立明矣江澗曰鄭世子忽反正有明文子糾但於公子為貴非世子也納者內

弗受也帥師而後納者有伐也何用弗受也以輒

不受也以輒不受父之命受之王父也信父而辭王父則

是不尊王父也其弗受以尊王父也竊不達此義江澗曰齊景公廢世子世子還國書莫

若靈公廢蒯聵立輒則蒯聵不得復稱曩日世子也稱蒯聵為世子則靈公不命輒審矣此矛盾之喻也然則從王父之言傳似失矣經云納

衛世子鄭世子忽復歸于鄭稱世子明正也明正則拒之者非邪○信父音申莫初患反復扶又反曩乃黨友才五侯反本又作舒曩常允反又音允

拒音巨邪也似嗟反○秋八月甲戌晉趙鞅帥師及鄭罕達帥

師戰于鐵鐵衛地○鐵他結反鄭師敗績○冬十月葬衛靈

公七月葬蒯聵之亂故也○十有一月蔡遷于州來蔡殺其

大夫公子駟

三年春齊國夏衛石曼姑帥師圍戚此衛事也

其先國夏何也。子不圍父也。不繫戚於衛者。子不

有父也。

江熙曰國夏首兵則應言衛戚今不言者辟子有父也子有父者戚繫衛則為大夫屬于衛子圍父者謂人倫之道絕故

以齊首之。曼姑音萬辟音避。

夏四月甲午地震。五月辛卯栢宮。

僖宮災言及則祖有尊卑。

解經不言及僖

由我言之則一

也。

遠祖因無差降如一故不言及。

季孫斯叔孫州仇帥師城啓陽

稱帥師有難難乃旦反。

宋樂髡帥師伐曹。

髡苦門反。

秋七月丙

子季孫斯卒。

蔡人放其大夫公孫獵于吳。

宣元年晉放其

大夫胥甲父于衛傳曰稱國以放放無罪也然則稱人以放放有罪也。

冬十月癸卯秦伯卒。

○叔孫州仇仲孫何忌帥師圍邾。

四年春王二月庚戌盜弑蔡侯申稱盜以弑君不

以上下道道也。

以上下道道者若衛祝吁弑其君完之類是直稱盜不在人倫之序

內其君

而外弑者不以弑道道也

襄七年鄭伯將會中國其目欲從楚不勝其臣弑而死不使夷狄之

民加乎中國之君故曰鄭伯髡原如會未見諸侯丙戌卒于操是不以弑道道也

春秋有三盜微殺

大夫謂之盜

十三年冬盜殺陳夏區夫是陳夏戶雅反區烏侯反

非所取而取之

謂之盜

定八年陽貨取實五大弓是

辟中國之正道以龔利謂之

盜

即殺蔡侯申者是也微者也。辟中音避。

蔡公孫辰出奔吳。葬秦惠

公。宋人執小邾子。夏蔡殺其大夫公孫姓。公

孫霍。晉人執戎蠻子赤歸于楚。城西郭

郭郭也。郭音孚。

○六月辛丑亳社災

殷都于亳武王克紂而班列其社于諸侯以為亡國之戒。劉向曰災亳社戒人

君縱恣不能警戒之象

亳社者亳之社也。亳亡國也

亳即殷也。殷都于亳

故因謂之亳社

亡國之社以為廟屏戒也

立亳之社於廟之外以為屏蔽取其不得通天

人君瞻之而致戒心

其屋亡國之社不得達上也

以為之作屋不使上通天也。緣有屋

故言。秋八月甲寅。滕子結卒。冬十有二月葬蔡。

昭公。不書弑君之賊而昭公書葬既謂之盜若殺微賤小人不足錄之。葬滕頃公。頃音傾。

五年春城毗。夏齊侯伐宋。晉趙鞅帥師伐衛。

秋九月癸酉齊侯杵臼卒。杵昌呂反。冬叔還如齊。

閏月葬齊景公。不正其閏也。閏月附月之餘日變事不數數所主反。

六年春城邾瑕。晉趙鞅帥師伐鮮虞。吳伐陳。

夏齊國夏及高張來奔。叔還會吳于相。相莊加反。

秋七月庚寅楚子軫卒。軫之忍反。齊陽生入于齊。

齊陳乞弑其君荼。不日荼不正也。荼音舒又音徒一音丈加反。陽生入而

弑其君。以陳乞主之何也。不以陽生君荼也。其不

以陽生君荼何也。陽生正。荼不正。不正則其曰君何

也。荼雖不正。已受命矣。已受命于景公而立故可言君入者內弗受也。

荼不正。何用弗受。以其受命。可以言弗受也。先君已命立之

於義可陽生其以國氏何也。取國于荼也。何休曰即不使陽生以荼

為君不當去公子見當國也又穀梁以為國氏者取國于荼齊小白又不取國于子糾無乃近自相反乎鄭君釋之曰陽生篡國故不言公子

不使君荼謂書陳之弑君爾荼與小白其事相似荼弑乃後立小白立乃後殺雖然俱篡國而受國焉爾傳曰齊小白入于齊惡之也陽生其

以國氏何取國于荼也義適互相足又向自反乎子糾宜立而小白篡之非受國于子糾則將誰乎當去起呂反見當賢徧反糾居黜反惡

之烏冬。仲孫何忌帥師伐邾。宋向巢帥師伐曹

七年。春。宋皇瑗帥師侵鄭。瑗于眷反。晉魏曼多帥師

侵衛。音萬。夏。公會吳于繒。繒在陵反。秋。公伐邾。八

月。己酉。入邾。以邾子益來。以者不以者也。夫諸侯有罪伯者雖

執猶以歸于京師魯非霸王而擅相執錄故日入以表惡之。擅市戰反惡烏路反傳及注同益之名。惡也。其

不能死

春秋有臨天下之言焉

徐乾曰臨者撫有之也王者無外以天下為家盡其

也有臨一國之言焉

諸侯之臨國亦得有之如王於天下

有臨一家之

言焉

大夫臨家猶諸侯臨國

其言來者有外魯之辭焉

非已內有從外

來者曰來今魯侯身自以歸而曰來是外之也

宋人圍曹。冬。鄭駟弘帥師救

曹

八年春。王正月。宋公入曹。以曹伯陽歸。吳伐我

夏。齊人取謹及闡

宣元年傳曰內不言取言取授之也是為賂齊此言取蓋亦賂也魯前年伐

邾以邾子益來益齊之甥也

惡內也。歸邾子益于邾

侵齊故也。惡

烏路

益之名。失國也

於王法當絕故

秋。七月。冬。十有二

月。癸亥。杞伯過卒

過音戈

齊人歸謹及闡

凱曰歸邾子故亦還

其賂

九年春。王二月。葬杞僖公。宋皇瑗帥師取鄭師

于雍。亡雍上地也。雍於用反。取。易辭也。以師而易取。鄭病矣。

以師之重而宋以易得之辭言之則鄭師將劣矣。易以豉反。將子匠反。夏。楚人伐陳。秋。宋

公伐鄭。冬。十月。

十年春。王二月。邾子益來奔。公會吳伐齊。三

月戊戌。齊侯陽生卒。夏。宋人伐鄭。晉趙鞅帥

師侵齊。五月。公至自伐齊。傳例曰。惡事不致。公會夷狄

年公至自伐衛。傳曰。不致。則無以見公惡。事之成也。將宜從此之例。以見賢徧反。葬齊悼公。衛公

孟彊自齊歸于衛。彊苦侯反。薛伯夷卒。秋。葬薛

惠公。冬。楚公子結帥師伐陳。吳救陳。

十有一年春。齊國書帥師伐我。夏。陳轅頗出奔

鄭何反。頗破。○五月。公會吳伐齊。甲戌。齊國書帥師

及吳戰于艾陵。齊師敗績。獲齊國書。與華元同義。艾陵齊地。艾五

蓋。○秋。七月。辛酉。滕子虞母卒。○冬。十有一月。

葬滕隱公。○衛世叔齊出奔宋。

十有二年。春。用田賦。古者九夫為井。十六井為一里。賦之法。因其田財通共出馬一匹。牛三頭。今別

其田及家財各出此賦。言用者。非所宜用。○別如字。又彼列反。古者公田什一。用田賦非

正也。古者五口之家受田百畝。為官田十畝。是為私。得其什一而官稅。其

法也。今乃棄中平之法。而田財並賦。言其賦民。其矣。為官于僞。反稅。舒說反。夏謂戶雅反。○夏。五月。甲辰。

孟子卒。孟子者何也。昭公夫人也。其不言夫人何

也。諱取同姓也。葬。當書姓諱。故亦不書。取如字。又七住反。○公會吳于橐

臬。橐臬其地。橐。章校反。一音託。○秋。公會衛侯宋皇瑗于鄆。鄆其地。

鄭音。宋向巢帥師伐鄭。冬十有二月。螽。音終

十有三年。春。鄭罕達帥師取宋師于蟲。音五取。

易辭也。以師而易取。宋病矣。夏。許男成卒。公

會晉侯及吳子于黃池。及者書尊及甲也。黃池某地。黃池之會。吳

子進乎哉。遂子矣。進遂吳夷狄之國也。祝髮文身

祝斷也。文身刻畫其身以為文也。必自殘毀者以辟蛟龍之害。祝之六反。斷音短。辟音避。蛟音交。欲因魯之禮

因晉之權。而請冠端而襲。襲衣冠。端玄端。其藉于成周。藉謂

獻以尊天王。吳進矣。吳東方之大國也。累累致小

國以會諸侯。以合乎中國。累累猶數數也。累累如字。數數所角反。吳能為

之則不臣乎。言其臣也。吳進矣。王尊稱也。子卑稱也。辭

尊稱而居卑稱。以會乎諸侯。以尊天王。吳王夫

差曰好冠來。孔子曰大矣哉夫差。未能言冠而欲

冠也。不知冠有差等唯欲好冠。尊稱尺證反下同夫差音扶下初佳反。楚公子申帥師伐

陳。於越入吳。秋。公至自會。吳進稱子又會。晉侯故致也。晉魏曼

多帥師侵衛。葬許元公。九月螽。冬十有一月。

有星孛于東方。不書所孛之星而曰東方者且方見孛衆星皆沒故。孛音佩。盜殺陳

夏區夫。傳例曰微殺大夫謂之盜。區夫烏侯反。十有二月螽。

十有四年春。西狩獲麟。杜預曰孔子曰文王既没文不在茲乎此制作之本旨又曰鳳鳥不至河

不出圖吾已矣夫斯不王之明文矣夫開睢之化王者之風麟之趾關

睢之應也然則斯麟之來歸於王德者矣春秋之文廣大悉備義始於

隱公道終於獲麟。狩手又反不出如字又亦遂反矣引取之也

夫音扶不王于况反下王德同睢七余反之應于敬反狩地不

言引取之者解經言獲也傳例曰諸獲者皆不與也今言獲地不狩也。非狩而曰狩。大獲麟故大其適也。適猶如也

之也非狩而言狩大得麟故以大所如者名之也且實狩當言冬不當言春

其不言來不外麟於

中國也其不言有不使麟不怙於中國也

雍曰中國者蓋禮義

之鄉聖賢之宅軌儀表於遐荒道風扇於不朽麟步郊不為暫有鷩鳳栖林非為權來雖時道喪猶若不喪雖麟一降猶若其恒鸚鵡非魯之常禽蜚域非祥瑞之嘉虫故經書其有以非常有此所以取貴于中國春秋之意義也○道喪息浪反鸚音權又音幼鵠音欲域音或

春秋穀梁卷第十二

經傳壹阡捌伯陸拾玖字

注壹阡玖伯捌拾叁字

音義肆伯叁拾貳字

國學進士

弁 校正

國學進士劉

子庚 同校

國學進士陳

幾 同校

國學進士張

甫 同校

奉議郎簽書武安軍節度判官廳公事陳

應行 參校

余氏萬卷堂藏書記

癸丑仲秋重校訖

余仁仲萬卷堂所刻經本今聞於世者曰周禮
曰公羊曰穀梁公羊揚州汪氏有繙本周禮舊
藏盧雅兩家惟穀梁僅康熙間長洲何煌見之
然其本缺宣公以前已稱爲希世之珍此本首
尾完具無一字損失以何氏校本照之有應有
不應當由何氏所見爲初印本此又仁仲覆校
重訂者故於何氏所稱脫誤之處皆挖補擠入
然則此爲余氏定本何氏所見猶未善也原本
舊爲日本學士柴邦彥所藏文政間狩谷望之
使人影摹之織豪畢肖展轉歸向山黃村余初
來日本時即從黃村求得之愆魚星使何公重

繙以傳會瓜代不果暨新任星使黎公廼以付
之梓人踰年而後成按穀梁所據之經不必悉
與左氏公羊合而分經附傳之例亦與二傳差
互至范氏之解則傳習愈希除注疏刊本外絕
眇證驗即明知有脫誤亦苦於無徵不信然則
此本之不絕如綫誠爲瓌寶今以唐石經證經
傳以唐宋人說春秋三傳者佐之以宋監本余
得日本古鈔經注本首題監本春注疏本證集解以陸氏釋
秋穀梁傳多與十行本經注合文佐之又自宋以來所傳經注本不必與釋文
合而合刊注疏者往往改釋文以就之至毛本
則割截尤甚此本後有仁仲自記不以釋文改

定本亦不以定本改釋文猶有漢唐經師家法
今單行釋文俱在此本既悉與之合故於注疏
所附亦不一一訂正焉光緒癸未秋九月宜都
楊守敬記

余仁仲萬卷堂穀梁傳考異

序感化

石經合創皇春秋集傳釋義同宋監本十行本闕本監本毛本無化字

釋文窺

各本作窺按說文窺

正視也廣韻丑庚切則不當為去規反此宜從各本作窺

序得強

石經合創本萬歷本同十行宋監闕監毛無得字按無得字

春秋穀梁傳隱公第一

與石經釋文合

釋文周文王八世

孫

注疏作周公八世孫

隱公元年解罪故

宋監十行闕本同明監毛本作惡

二年解底羗

各本

底作閩監毛解臨事事訛者三年解三穀十行三解正者注

本者並注疏本在解在殯並誤作未四年傳貶也各本同石經解書疏

不氏族以下至嫌字閩監毛誤作雙五年解則于宋

十行同閩監毛干作羽七年解有時十行同閩監解司里毛本里八

年傳惡入石經俞暉集傳李廉會通傳邑也石經呂本中

行本同閩監毛脫也字解若令與釋文合注疏

桓公元年經正月公即位與石經同。按此以傳附經之

下而以公即位三字置於此又穀梁合經之例凡經一事數句者傳文

即隨句散附與公羊一事為一傳者不同然既以傳文散附經文則經

文之上當有○以隔之今無○則與傳文混故閩監毛往往以經文數句並為一條二年解為親宋監十

為傳計數石經釋文俞本合注解殆其毛本殆解蓋無行受誤

閩監毛蓋訛善經三年與石經合注七年解不言朝各本皆作

按各本皆誤讀疏文以改注文不知范正以釋傳朝
字故引邲伯之奔以相決非以邲伯不名之謂也
八年解到京

閩監毛到解在郤注疏本解判合宋監本判字空十行作叛非

禮作解合傳放命石經陸渚春秋微旨呂本俞本程端學本義並同

十三年解時在注疏本時十四年解紓緩十行誤作紀

解所置閩監毛置作致此十七年經公及與

解耻大與十行合閩

莊公元年解二十九各本同誤毛改作三十年傳躬君石

傳變之為正各本同俞樾云

解與士監毛士經紀邾郚郚近人或欲據下文於紀下增于字

傳紀國也邾郚郚國也近人或欲改下國字為邑按范注

二年傳主者閩監毛

並出之義甚明知改下國為邑即下或說

三年經齊侯

石經侯作師各本同此

解郊牛

通典引郊上有猶字是也此本亦脫

四年

解傍暮

閩監毛作旁非

六年經三月

石經十行本合閩監毛誤作二月

七年經

夜中星隕如雨

此經文也亦因無○以闕之閩監毛遂誤認此為傳文而妄增此六字於恒星不見下

解

失星

毛本同十行閩本失作天

傳雨說

各本同石經作兩說恐非

解隕隊

與釋文合各本作墜

解

中夜

十行合閩監毛作夜中

解江澌

此書通作澌各本作照

十二年解豺狼

與釋文合

各本

解扞衛

又引釋文作捍此亦余氏兩存之一事

十四年經宋公衛侯

與石

經十行合閩監毛脫此四字

解推桓

與十行同閩監毛脫桓字

十七年解得執

毛

作相

十八年解食虧

與十行合閩監毛食下衍有字

解若入竟

監毛同十行閩本若

作君○按作若是也言入竟者指戎也故言若

十九年傳其遠之何也

與石經十行俞本合

閩監毛脫之字

二十一年解外引釋文

有○以隔注文閩監毛誤連注文

二十三

年解比行

各本比

解霸

各本同何校作伯非此本

二十四年傳日之

監毛曰二十五年經鼓用牲於社閩監毛移此句於二十

八年經臧孫辰與各本同按陸渚張洽並云穀梁辰作臣今所見無作臣之本二十有九

年與石經合注疏本並脫有字三十二年解辭之各本辭訛不近人遂增遇字以足之非也解

甯所未詳十行甯說其閩監毛改作其詳閩監毛作許並非

閔公元年解言桓容各本桓容作相非解又不閩監毛又訛之

僖公元年經齊人以歸閩監毛跳此句于婁于夷下誤二年解不悞

宋監本空此字十行閩監毛作不悞是四年解與其毛脫其字解不先閩監毛作先不非

八年解是妾不為夫人宋監十行夫下空缺一字閩監毛作體以意補當從此作人十

年傳吾若此入而自明監毛脫吾字明下衍明字十一年解固以

監毛固十二年經三月石經同注疏並訛作正月十六年傳六鷓與石

經宋監本陸本俞本合注疏本作鷓傳桓公石經無公字十七年解無君與十行合閩監

毛君作人十八年解文十三三誤與毛同當從二十一年經釋

宋公閩監毛跳此三字于盟于薄之下誤經二十二年脫有字與傳旌亂監毛

脫亂二十三年解桓公之子襄公此注傳茲父監毛

脫此二十四年解惡之也各本也經二十有五年與石

注疏本解盡同姓注疏本同訛名此余本獨是者解比例監毛比二十六

年經楚人監毛人二十七年解譏斯十行閩本作以期監

二十八年經齊師石經作齊侯解所昭閩監毛三十年解

齊則十行閩本同誤解近上監上誤此解大平與釋文合

太三十二年解文憲各本二十三年解縱叛各本縱

文公元年解戚衛地閩監毛脫經商臣與十行同石經

此書經傳並作商傳外諸侯石經無二年解昭繆與釋文

註文商商錯出

傳外諸侯

石經無

二年解

昭繆與釋文合監毛

非作穆四年解問者監毛者解風姓監毛姓傳以晚與石

本合注疏六年傳夜姑十行作傳之事與石經俞本合釋

文不數所古反閩監毛誤以為注文而改八年解鄭地

毛本鄭上有暴字十年傳弟兄石經俞本李本合傳佚宕

俞本注疏本同石經揚疏解二寸十行閩本同十四年經六

月按此行字小而密初刻解許伯石經作解祝吁注疏本

誤何校本作十五年傳其以石經十行俞本同

宣公何校余本自此元年解宣公弑立十行閩本作公宣

○按公宣不辭釋文所據本或無二年解生獲各本同何校余

應解止以父病何校余本合十行止誤六年傳來盟者

石經呂本俞本合八年傳以譏石經經萬入去筭閩監

此四字於石經俞本合注解於常閩監毛九年經楚子閩監毛傳通于

猶釋下十年解傳例以下此注閩監毛誤置于日解

今出奔與十行合閩十一年傳外狄也何校合石經俞本

疏本脫解與君何校合各解泄冶閩監毛十二年解之

惡何校惡依經先穀石經作穀釋文十五年傳其曰棟

云曰當作日各本皆誤按解十畝何校合各本十六年解之榭

古書日曰字往往相亂解故貴與各本同何校余十七年傳終身監

與各本同何校十八年解戕繒誤繒傳路寢路寢何校合石經呂本

不疊此傳亦奔何校合石經胡傳俞本李本經至榿遂奔齊

二字非解不言監毛脫

閩監毛跳此五字成公元年解又加何校合注疏本解姪子字也十行姪

于還自晉下誤解不字二

年傳壹戰

石經俞本十行同下同
閩監毛壹作一下同

釋文謂笑其跛

單行本
釋文跛

上有蹤字今以此本
照之則蹤字衍也

解不言公

何校同注疏
本脫公字

解善言高倭

何校余本脫高倭二字不相應按此行字密當是
何所見本為初印此為余氏覆校掩補擠入也

經繒人

監毛
誤繪

年解所馮

與釋文合注
疏本作憑

七年經及下

閩監以改上牛麤鼠又
食其角乃兔牛十二字

跳於郊牛
角之下非

解賢君

與各本同何校余
本君誤若不相應

九年解不復

何校合
十行閩

本復
誤德

十三年經公自

石經公下
有至字

經齊侯

何校合石經
同注疏本脫

十

五年解見疏

何校合十行
閩本見誤是

十六年解衛是

何校合注疏
本脫是字

傳

存公

監毛存
誤在

傳存焉

何校合石經俞本
合注疏本為誤也

解日之

何校合十
行日作已

閩監毛作
紀皆誤

十七年傳壬申

何校余本脫壬申二字
此不應似後來擠入

襄公元年經荀啜

石經
作嬰

二年經庚辰

石經十行本合
閩監毛辰訛寅

解稱其

閩監毛
其訛于

三年經自晉

注疏本並同石
經晉作會是也

六年傳非

立何校合石經陸本俞本並同閩盛毛脫非字九年經祀伯石經合注疏本脫此二字何失校十

年傳何也何校合石經同注疏本脫也字解此日閩監此誤比十一年解凡

萬與各本同何校凡下有七字此不應○按有七字非十七年經圍桃以下十一字與各本同何校余

本脫此十一字不相應十八年傳同與何校合石經釋文並同注疏本與作焉非十九年

解京城毛京說毫二十年經公子濕毛誤傳弟兄何校余本

作兄弟此不應二十一年經自晉毛晉說會經商任各本作商此經注並作商閩本注作商何

失校按釋文不為商作音此恐誤二十三年解而後何校合注疏本作后二十四年

解塗堊何校合與釋文同各本堊誤塗二十五年經同盟十行脫盟字解然

後何校合注疏本作后二十六年解以見之書日何校余本脫此五字不相應按

此是後挖捕擄入二十七年解獻公各本公誤入按下文有既入云云則此不當作入解復

殺何校合各本復誤得此與釋文合解上仁與十行同閩監毛作三何失校傳氏姓何校合各

本姓 二十九 年經九月 各本本七月此與左 解言 燕者

各本言燕二字接連此獨空一字疑此字之脫何校 三十年 解義

有 何校合各 解不弑 十行闕本 傳且不 與石經合十行

昭公元年 經三月 與石經合何失校 五年 傳以其地 何校

合石經 七年 傳平者成也 何校余本脫此四字此 解使人

無其字 解受名 何校合注疏本 八年 傳弟兄 何校合

本並脫入字 解為旃 何校合各 解邊容 何校合注疏 解

幼少 何校合此與釋文 傳閔之 何校合石經呂本劉澂權衡孫

疏本之 九年 解淺薄 何校合各 十一年 解世子 痊 十行

並訛公 解情禮 各本禮作 解此月 何校合各本此作比毛本月作蒲

有別 解人眾 毛誤作 解地也 毛也作 解殺一國 何校合

下空一字闕監
毛臆補作蔡
十二年解以絕何校合各本以作而解伐者何校合各本脫

者解能救何校合各本脫能字十三年解弑君何校合各本脫作殺解君道

監毛作道君
解以至毛至作致十七年解于攜監毛于誤於各本攜作攜誤十

九年解比夷何校合各本比下有三字解其不弑何校同各本脫不字解與弑

君毛君作父傳止不知何失校石經胡傳呂本張本李本家鉉翁詳說皆有止字俞本注疏本並脫止字二

十年經兄輒與十行同石經作輒是也解凱曰毛說解斥言何校合十

行斥說目闕監
毛改作自亦非
二十二年經癸酉朔何校余本脫朔字此不應經沈子

盈滅閩監毛滅下行獲陳夏切齒四字非也解立明何校合注疏本明誤朝二十五年

解如增何校如作加不相應經次于陽州閩監毛跳此四字于公遜于齊下非三十二

年解朝見何校合各本見作覲

定公元年傳此大夫石經呂本張本俞本並同注疏本此下行其字傳義焉何校

余本焉作何校合各本謂誤為○按傳冬大雪非正也何校余本脫此六字此不應當是掩補擠入解謂君

儀禮經傳通解引作謂何校合各本二年解下爾何校合各本爾作矣四年傳二

事何校合石經俞本並同注解楚強各本作強楚何失校解復會各本

會訛者何校合各本解楚都何校合各本都誤郡解知見此十字注解元御何校

同與釋文合各本亢誤抗解飢與十行同閩監毛作饑依說文當作饑然古書多以飢為饑通用已久解由于

何校合各本作乎十一年經弟辰閩監毛此下行及仲佗石彊公子地自陳入于蕭以叛宋公之弟辰二十

字此與石經十行本合十二年傳不言圍何校合石經俞本同傳邊

乎何校余本邊十四年經吳子光卒何校余本脫此四字此不應十

五年解以至何校合各本以作而

哀公元年傳諺郊何校合石經呂本李本俞解天變毛

大傳可矣何校余本矣解謂卜何校合各本卜誤下傳卜免監毛誤

解當有

何校合各本當作嘗

解為上

毛為作曰解在我

何校合各本在作皆

傳

不志

何校合石經呂本張本俞本同注疏本志誤忘

二年經東田

此下閩監毛衍及沂西田傳取鄭東

田九

傳以輒不受也

何校余本脫此五字此不應亦有擠入痕

解鄭世子

何校

余本脫此三字此不應亦擠入

三年傳於衛

毛於誤于

六年傳則其日

何校

余本脫其字此不應亦擠入

傳弗受

石經作不

傳可以

毛可誤何解後殺

何校同各

本殺

七年解如王

閩監毛王誤言

八年解宜元

何校合各本元誤九

解亦

畧監毛亦誤言

十年解以見公惡

何校本以作用公下有之字此不應當後改

十三

年經元公

何校余本脫此二字此不應

十四年解取之者

各本脫者字何失校

解今言

何校合各本上有注字

今其恒

各本依其常何校余本有恒一應一不應

祥瑞

十行闕本訛葬端

未附何休公羊傳序

此因余氏有合刊公穀二傳跋故原本纂之今亦附刊于後

經籍訪古志

春秋穀梁傳十二卷

宋藁本
阿波侯藏

晉范甯集解每半板十一行行十八九字注雙行
二十七字每章附音義每卷末有經傳注及音
義字數又記仁仲比較訖余仁仲刊於家塾十
二卷末記國學進士余仁仲校正國學進士劉
子侯陳幾張甫同校議郎簽書武安軍節度判
官廳公事陳應行參校癸丑仲秋重校訖又有
紹熙辛亥孟冬朔日建安余仁仲跋序後及卷
尾有余氏萬卷堂藏書記卷端捺金澤文庫

印此本係柴學士邦彥舊藏往年狩谷望之與
松碕慊堂謀就阿波國學俾一書生影鈔毫髮
盡肖宛然如宋槧今猶藏在求古樓攷清揚州
汪氏重刊宋本公羊傳亦仁仲所校刊與此同種

